



柳田文庫
文庫11
D 295
14



文庫 11
D 295
14

續弘簡錄元史類編卷三十六

皇清詹事府少詹事仁和邵遠平戒山學

文翰二補遺

黃超然 附陳應潤 王楚翁 附謝仲直 丁易東 附元幹 王申子

任士林 附徐之祥 丘富國 附鄭儀 雷思齊 保八 吳鄴

劉整 附陳宏 朱知常 劉霖 朱隱老 周鼎 楊璉

劉瑾 朱倬 馬道貫 周聞孫 俞元燮 邵光祖

黃景昌 俞阜 魯震 劉彭壽 附黃清老 鍾律

熊復 曹元博 單庚金 吳儀 毛應龍 戴良齊

史季敷 附趙有桂 雷光霆 陳深 程龍 附直方 程煥 吳狂

聞人夢吉 陳剛 陳樵 附石一 牟楷 馮翼翁 附彭絲

潘迪 薛玄 程時登 林起宗 附復心 陳普 附性同 史伯魯

附詹景星 曾貫 上經 陰幼遇 見幼達 劉辰翁 子尚友

史蒙卿 宋无 白珽 劉應龜 元淮 袁易 徐鈞

胡助 姚應鳳 謝暉 方道龐 吾衍 仇遠

呂徽之 薩天錫 周權 王景賢 朱文憲 陳泰

于欽 王炎午 楊士弘 吳正道 史公珽 陳大倫

李康 黃玠 廼賢 丁鶴年 楊少愚 附陳清隱 沙刺班

王立中 何失 釋炳 附王鼎 程以臨 王逢 王元杰

黃庚 蒲道源 謝宗可 岑安卿 洪希文 孟昉

劉友益 趙若信 鄭元祐 胡天游 周霆震 潘音

紇石烈希元 郭鉅 舒順 楊維楨 李祁 戴良

李延興 王冕 張憲 周之翰 李存 甘復

顧德輝 張樞 錢惟善 附陸居仁 張昱 陶宗儀 上文學下附藝學

黃超然字立道天台人幼有高志嘗往來王栢門下得聞性理之旨尤深於易恨朱子本義欲再修而未及乃參會互考采之先儒以盡其變本之經義以歛其歸作周易通義二十卷又以讀易之法當先推卦義以求六爻之情情有難通則參以象象有難通則參以位位有難通則參以三百八十四爻之例別為發例三卷或問釋蒙各五卷兩與鄉貢宋亡遂不仕築西清道院居之世祖嘉其節賜諡康敏 同邑陳應潤字澤雲父獻肅公邦彥湛精理學易有家傳應潤作周易爻變義蘊四卷甚言假老子之學者創無極太極之論變爐火之術者擬先天後天之圖強指陰陽老少為四象而四象之說不明妄引復姤逆順為八卦而八卦之位不定乃示人爻變之法削去其圖辨正其說自謂積三十年勤苦而成至治二年黃潛序而行之

王堃翁字太古婺源州人宋遺民性嗜易辟鎮江學正謂此職
十年亦不得至卿相棄官歸著見易篇極卦畫之所以然而皆
本河圖洛書自然之法象既卽圖書詳論人所以取則而畫卦
作範之故復改正洛書已兆於神禹以前且援列禦寇子華子
乾鑿度與黃庭經之辭以證劉長民九爲圖之說復辨孔安國
劉向父子班固僞闢氏易相承立說之非又有周易分注主於
明象以考變有司具錄進呈時尚程朱易說皆駭所聞見吳澂
方爲胄監師見而說之所注易纂言多采其說 上饒謝仲直
著易三圖十卷以先天八卦圖圖爲河圖九數而九位方圖爲
洛書十數而五位作五位相得之圖虞集見而善之 吳興進
士錢義方作周易圖說謂河圖本伏羲所取至洛書之出在千
有餘年後聖人並陳之不過以龍龜負文而出河洛者其事同
聖人則之而卽理推數二者固可相通故並舉之以見義非謂
作易兼取洛書也故其說悉本河圖而不及洛書云

丁易東字石潭龍陽人宋進士官編修入元數徵不起著周易
傳疏十卷易上下經古既爲二卷通孔子所傳十篇爲十二卷
至費直分象象二傳附於經詞後以便學者今乾卦是也後人
又附爻象傳文於當爻之下今坤卦以下是也呂微仲嘗正之
爲十二篇晁以道又正之爲八篇皆以經象傳文言繫辭說卦
序卦雜卦爲次呂伯恭又更著爲經二卷傳十卷合王肅本朱
子本義用之吳斗南又謂說卦三篇漢初出於河內女子今止
存其一又有繫辭上下二篇卽所謂說卦上中篇而今所傳說
卦特下篇也乃合夫子象大象各爲一卷而以小象分上下爲
繫辭傳以今繫辭合說卦爲說卦三篇南康馮氏謂其說近是

然象象依本義分爲二故上下二經外十翼之序象上一象下
二象上三象下四文言五說卦上六說卦中七說卦下八序卦
九雜卦十其說固似有理但攷繫辭爲說卦尚有可疑而冥文
言於繫辭前則不可易東從其序而繫辭傳之名則仍依本
義考訂尤確嘗建石潭精舍教生徒事聞賜額沅陽書院授以
山長時襄陽陶元幹亦嘗著易世稱陶易

王申子字與卿邛州人寓居慈利天門山著大易緝說十卷嘗
見魏鶴山答蔣得之書及史學齋臨汝講義皆祖張觀物語以
九其圖者見後天八卦之象十其書者具洪範五行之數謂晦
庵不及見是書故謂十圖而九書此讀易者一大疑事申子力
探其原而正之取十其圖者分緯之以畫先天九其書者錯綜
之以位後天不假穿鑿直可斷千古疑案皇慶二年徵爲南陽

書院山長尚有春秋類傳周禮正義等作

任士林字叔實絲竹人僑居奉化講道會稽嘗作中易分爲上
下篇三陳其卦所以極河洛之數成大衍之用體天地之煥盛
德大業顯仁藏用一本坎離頤大小過之妙旣未濟隨蠱之機
井噬嗑賁困之感屯鼎革蒙之推聖人通變立言之旨粲然甚
明修齊治平之道不出乎是至大初薦授安定書院山長 有
澶川趙采字德亮著周易折衷三十三卷以程朱傳義爲主而
附以已見間採先儒象數變互以相發明 饒州徐之祥號方
塘有讀易蠡測其言象數取皇極於康節取太極於濂溪而諸
卦之中多詳其變又名玩易詳說 桐廬魏新之字德夫宋咸
淳進士亦著學易蠡測因先儒列卦爲方圓圖乃以已意成三
隅圖曲盡妙理 休寧吳霞舉號默室著周易管見六十卷筮

易七卷太玄潛虛圖十卷雖互有異同皆盛行於世

丘富國字行可建安人受業朱氏之門宋亡不仕著周易輯解十卷學易說約五篇經世遺書三卷其徒鄭儀孫號翠屏咸淳初應賢良舉作易圖說解大學中庸章句

雷思齊字齊賢臨川人宋亡獨居空山中著易圖筮通變義若干卷中年去儒服為黃冠師人稱空山先生其易圖通變五卷世有傳本易筮通變三卷載道藏中作詩豪健有奇氣

保八字公孟號普庵蒙古人少好學為黃州路總管精易理著易源奧義一卷周易原旨六卷仁宗在東宮保八嘗進箋曰自龍圖之畫既出而象數之學肇開至六十四卦以成書為百千萬年之明鑑義文孔子發先天之妙京費王弼廣後世之傳豈但求語下之筮歸又當參胸中之關鍵凡蠡測管窺以探精義

皆銖積月累以用深功苟得其真敢私其秘不揆淺膚之素學冒干投進於青宮冀虎闕齒肯之間特加披閱在鶴禁延儒之頃更賜表章太子深為嘉納尚有周易尚占二卷今佚

吳鄴字

永新人宋末避讐徙山西變姓名張應珍注周易

宗程朱而不為苟同如參天兩地而倚數鄴謂本義天圓地方圓者一而圍三三各一奇方者二而圍四四合二偶似費擬議蓋五生數中天數一三五凡參地數二四凡兩故聖人參兩之以倚數八卦之象乾坤天地以太虛言也震與天地之長男女為雷風有氣無形坎離天地之中男女為水火有形無質艮兌天地之少男女為山澤有質確定矣駙馬欄里吉思嘗從之質疑刻其書於平陽路大德八年官秘書少監始更今名

劉整字宋舉古田人自稱蒙谷遺老教生徒百餘人少從合沙

鄭少禎學易傳六十四卦圖說及春秋元經著易纂圖一卷甫就而卒 同邑有陳宏者元初徙華亭同知吳江州事著易童子問易象發揮各一卷葉氏葉竹堂書目嘗載之

朱知常字久道隱居金華赤松山通儒術稱黃冠師少受易於鄉先生盧端叔後得易說於池陽周元舉遂以見聞集為一編進上名經進易解更有董氏易傳覺李氏易辨證齊博士易解皆不傳惟尤氏遂初堂書目載之

高氏書目有溪澗集卷字季隆著易說數卷

劉霖字雨蒼安福人博通五經元季寇陷城邑乃避地泰和學者師尊之性耿介不隨世俯仰有太極圖解易本義童子說四書纂釋杜詩類註等稟時泰和陳謨號心吾其學亦為鄉郡所宗著書經會通詩經演疏二書及海桑集

朱隱老字子方豐城人受業桂莊涂應雷遠承朱子遺緒倡道

荷山之陽精易理及邵子先天橫渠正蒙諸書謂先天之學心學也其圖皆從中起邵子探是圖著皇極經世性命物理之說重明斯世學者畏其難棄而弗講乃作經世書說張子正蒙實與太極圖通書西銘並傳而未為之註者乃作正蒙書說禮經殘缺已久朱子雖定為儀禮經傳而其輯錄皆出門人予奪多有未當乃作禮說易之為言廣大悉備伊洛諸儒雖嘗論著其義皆愈索而愈無窮乃作易說學者稱濤峯先生

周鼎字仲恒廬陵人早從湜溪郭正表游六經有所疑滯縱橫叩擊多超特之見謂詩分正變固肇於漢儒然正中有變變中有正其體製音節夏然不侔若虚心玩之策書紊亂瞭然可見必各從其類然後可辨世道升降之由其詩雖非盛時之作其人既賢其詞猶為近古必附小大雅之正者勸懲之義庶幾有

托鼎於六經皆有論著獨詩經辨正為完書

楊遂字元度餘姚州人起家儒生著詩傳名物類考御史姚燾

上於朝歷寧海縉雲及本州學官同郡夏泰亨字叔通九歲

能文早領鄉薦官翰林編修著詩經音考矩軒集

劉瑾字公瑾安城人博洽經史著詩傳通釋二十卷采錄各經

傳及諸儒所發要義考求世次源流至明且備明永樂中胡廣

等攘其書為大全惟將原本愚按二字更作安城劉氏云

朱倬字孟章江西新城人至正二年進士建昌志作至順元年者誤授知遂

安縣事倬微盜起陷城吏卒逃散倬大書座右有生為元臣死

為元鬼之語盜焚廨宇急倬乃朝服赴水死嘗著詩經疑問七

卷朱氏授經圖焦氏經籍志皆作六卷署其篇首曰盱眙進士朱倬橐

馬道貫字德珍金華人弱冠師事許謙得濂洛之學謙沒制服

蓋禮如親喪學者稱之著尚書疏義六卷自號一得叟性活退

非公事不入城市謙及門甚多而惟道貫為著

周聞孫字以立古水人由鄉貢薦入史館修宋遼金三史同事

多遼金故臣後不肯以正統予宋聞孫疏爭之不報棄職歸著

尚書一覽河圖洛書序說詩學舟楫各若干卷

俞元燮字邦亮其先自建寧徙長洲通蔡氏傳博采群說著尚

書集傳十卷或問二卷其歿也虞集為之銘

鄧光祖字弘道從父宦遊來吳因家焉博通好古研精經傳窮

六書之旨張士誠辟為湖州學正不赴著尚書集義六卷

黃景昌字明遠浦江人通尚書春秋之旨嘗言自公穀口說相

傳至漢然後著之竹帛故經有脫編有錯簡學者上畏聖經下

避賢傳訛舛誣漏莫之敢較其春秋公穀舉傳論及三代用正

日夜食之辨凜凜不可屈後得巴川陽恪春秋考正一卷言三代悉用夏時不改月數景昌明其不然作周正如傳考二卷謂周改月并改時左傳去夫子時近當如傳所云也

俞臯字心遠新安人幼師宋進士趙良鈞得春秋大旨自晉杜氏注左傳始有凡例之說取經之事同辭同者計其數凡若干而不考其義唐陸氏學於啖趙作纂例一書雖分晰詳備亦未嘗以義言之逮程子為傳始分別義例臯一遵程說以義回事同辭同者定為例十六條其有義不同而辭同事同而辭不同者則分見各事之下名春秋斷義泰定三年書成

魯震字樵南廬陵人時設科以春秋胡傳與三傳並用學者困於繙闕未有能合為一書者震次第集之始左氏次公次穀次胡氏而取止齋陳氏說附於後凡胡氏有所引用皆分注其下

別為類編以附於卷名春秋五傳深有便於學者

劉彭壽字壽翁辟衡山教諭樂士習之美遂家焉父淵字學海以春秋三領全蜀鄉解仕永州學正彭壽得其家傳亦以是經成進士著春秋正經句釋及春秋澤存皆衍父書而作

黃清老字子肅邵武人天資英敏五歲日記數千言泰定中成進士由編修出為湖廣儒學提舉時人重其學行號樵水先生著春秋經旨四書一貫數十卷詩名樵川集

鍾律字伯紀汴人元末鄉貢士屢辟召不應世之學春秋者多泥於胡傳褒貶之說有能脫去宿習一以經文為正者於筆削精義往往或昧律采諸家格言之合經者備載各條之下而間附已意名春秋案斷補遺蓋取程子傳為案而經為斷者

熊復字庶可南昌人以五經教授鄉里學者稱西雨先生著春

秋會傳一作成紀吳澂見而憚焉跋其後曰邵子曰聖人之經渾然無迹如天道焉故春秋書實事而善惡形乎其中世之學者率謂聖人有意褒貶三傳去聖人未遠已失經意况後之注釋者乎唐儒惟啖趙二家獨究聖人之旨宋清江劉原父其次也能君所輯會傳合之諸家注釋未有能精擇審取如此者曹元博以字行上海人潛德弗仕著左傳序事本末楊維禎避居淞上善其書序畧曰左丘明受經仲尼故作春秋傳為聖經之案後之傳左氏者有鐸椒作鈔撮八卷虞卿作鈔撮九卷惜其文無傳漢張蒼賈誼復傳左氏河間王進於武帝至成帝時劉歆校秘書見而存之始立左氏春秋逮晉杜預復表章之而傳有注釋後世言春秋者舍左氏無以為統緒故止齋陳氏謂著其所不書以見經之所書者皆左氏功此章指所出作也元

博既按經以證傳復索傳以合經為左氏序事本末可謂採蒐之精而權衡之審矣不亦可傳也乎

單庚金字君範山陰人隱晦溪山三十年日夜取古聖賢經傳遺言洗濯磨治其書已脫稿者有春秋三傳集說分紀五十卷用呂氏程氏所纂自左氏公穀以來諸家之同異定於一書後學得以依據又推解正經題為春秋傳說集畧十二卷戴表元嘗為之序同郡俞漢字仲雲撰春秋傳三十卷進呈詔付禮部刊版辟為儒學官不就門人私謚曰文惠吳儀字明善金谿人初舉於鄉會世亂即絕意仕宦學以六經為歸晚尤專心春秋謂聖人之經一而諸家異傳大道榛塞職此之由乃著三書曰裨傳曰類編曰五傳論辨辭義嚴密每撫卷嘆曰此書吾積學所致後有楊子雲其將好之矣

毛應龍字介石南昌人大德間為澧州教授著周禮集傳二十四卷周官或問五卷總諸儒訓釋而斷以己意者戴良齊字彥肅台州人精通六經奧義謂當今經書雖皆完具而禮經獨為殘闕加以漢儒諸說多有不純著禮辨一書特出已見攷證獨為明確吳澂常師之以衍其說史季敷以字行明州人世傳夏小正為夏書在大戴禮中傳之者戴氏也鄭康成為之注或曰盧辨注謂為鄭氏者非也山陰傅崧卿加以訓釋多所補正朱子集儀禮尊信小正而用之其論益定季敷參攷同異作夏小正經傳考三卷參以傅氏本及采儀禮集解附以釋音復取先儒解經所引小正語及事相附近者及於傳文下脫衍者列敘於後尤稱詳密時語著趙有桂字詵仲有夏小正集解蓋取諸家說而更為之解者

雷光震字友光江西寧州人居教教授學士程鉅夫詹天遊皆其徒也註九經集義五十卷史辨三十卷詩義指南十七卷至元間遣使徵之未至而卒學者稱龍光先生

陳深字子微號清全世居平江宋亡即謝去舉業沈潛問學著讀易編讀詩編及讀春秋編十二卷原本左胡采撫羣說與人高譚遺經疊疊不倦為一時者宿天曆間奎章閣臣以能書薦

匿不出所著詩文名寧極齋稿

書史會要云草書步履急就

程龍字舜俞號苟軒

又曰不不翁

婺源人景定進士元初拘刷宋故

官龍不得已出知永嘉縣著尚書毛詩二傳釋疑禮記春秋辨證及弄環餘說補程子三分易圖並刊行世同邑程直方字道大通諸經生平著述易則有啟蒙翼傳四聖一心書則有蔡傳辨疑詩則有學詩筆記春秋則有諸傳考正旁通等書

翟煥字時可豐城人宋末兩與鄉漕薦入元不仕學者稱礪山先生著易傳宗書傳通詩傳徽各數十卷

吳廷字仲廷涪州人少從饒雙峯學人稱可堂先生汪克寬其門人也著易學啟蒙書編大旨左傳義例詩傳眾說等書

聞人夢吉字應之金華人父詵老嘗遊王栢之門夢吉受學家庭父子自相師友手抄七經傳疏深究義理閉戶逾十年悉通奧旨乃開門講學泰定間貢授泉州教諭平生信道既篤涵養益純識與不識莫不稱爲有道君子門人謚曰凝熙先生

陳剛字公潛浙之平陽人受業胡長孺之門晝夜研索通易詩書三經旨要著五經問難四書通辨述歷代正閻圖說渾天儀說歷代官制說禹貢洪範手抄累試不售後兩目俱盲人有求其文者猶能口授雅正高古人稱潛齋先生

陳樵字君采東陽人父取青從鄉先生石一鰲遊與聞考亭之學一鰲字登卿未鄉貢士晚年覃思於易兩日盡著周易互言總論十卷樵承家傳繼受易詩書

春秋於程直方書無不讀讀無不解屏却傳注獨取遺經精思四十年恍然有得著易象數解新說洪範傳經解四書本旨牟經新說常製鹿皮爲衣種藥園谷中自稱鹿皮子集

牟楷字仲裴號九溪黃巖人刻志誠正之學論文務以性命爲先詞華爲後有九書辨疑致中和議河圖洛書說春秋建正辨深衣刊誤定武成錯簡管仲子糾辨桐葉封弟辨四書疑義篇門人名其書爲理窟尊之曰靜正先生

馮翼翁字子羽永新人舉進士試科斗賦有名官至撫州守著春秋集解大義性理群書通鑑小錄考索類要正統五德類編文章旨要五子旨要禮考正古書正偽錄等書 同郡彭絲字

會叔著庖易春秋辨疑禮記集說四十九卷黃鐘律說八篇

潘迪字牖民元城人博學能文歷官國子司業著易春秋庸學

述解六經發明及石鼓文音訓攷北方學者爭奉為師表

薛玄字微之華陰人制行立言傑然當世搢紳尊之曰庸齋先

生日與辛愿姚樞講貫古學有中庸注聖賢心學編易解皇極

經世圖說困學齋集云庸齋先生諱微之或者以字行乎

程時登字登庸樂平人時德典槃澗董銖得考亭之學傳其鄉

里有程正則者私淑之時登從之遊深徹性命奧義著大學本

末圖說中庸中和說集朱子論述問答之語審未發已發之幾

而探索性情體用之極太極圖通書西銘則錯綜為之互解更

有周易啟蒙輯錄律呂新書贅述亞鑑圖文章原委等刻

林起宗字伯始內丘人幼力學長從劉因遊得周邵程朱精義

著志學指南圖為求道之標準心學淵源圖為入聖之極功及

大學論語孟子中庸諸圖彙經圖解小學題辭發明魯庵家說

共數十卷實繼北方儒學之緒時婺源程復心字子見自幼

潛心理學會輔氏黃氏之說折衷成章名四書章圖總要二十

二卷皇慶二年江浙省臣上其書優詔擢用辭不出

陳普字尚德後以字行更號懼齋寧德人其學以四書五經為本三辟闕

省教授不起著四書句解鈴鍵學庸指要孟子纂圖周易解注

尚書補微凡數百卷尊聞緒言屹然為朱門嫡派隱居石堂山

學者稱石堂先生其門人韓性同號古遺素稱高弟有書經講

義五百餘篇易經旁注書集解史類纂等稟

史伯璿字文璣平陽人幼強記精究四書深得朱子本義時饒

氏輯講許氏藜說胡氏通旨陳氏發明有與朱子背馳者乃著

四書管窺五卷多所辨正刻版永嘉郡學臨川詹道傳亦言四書之旨晦蝕於訓詁幸朱傳出而大義曉然讀者未易窺測乃用許衡所定句讀著四書纂箋二十六卷鈹之建陽郡

景星號訥庵餘姚州人幼失學年十六始出就伯父黃先生學先生本姓景繼黃氏諱元吉字子文黃曰汝欲為學必先熟讀四書而後他經可讀於是晝誦夜思者四年粗通大義後欲習舉業黃又引之受

經勾乘楊淵淵字澄源一時師友講習益知蘊奧因折衷群言注四書集說啟蒙大學當時已刊行中庸近得抄本餘皆不傳

曾貫字傳道泰和人少時篤志聖賢之學侷儻有大志至正中為紹興路照磨監州慕其節槩辟樂龍泉寇倉卒間受命戰于觀背死之有四書類辨周易變通庸學標旨諸刻

冊曰窮經致用乃為世利河清難逢作者是寄諸公殫心

發明道義嘉惠後生功有可紀

史蒙卿字景正明州人宋咸淳進士志行高卓時四明之學悉

祖陸氏而宗楊袁慈湖先生楊簡潔齋先生袁燾及沈煥舒璘繼起復主其說

有能表章朱子之學者自蒙卿始初教授江陰著小學紺珠以

淑後進其文曰靜清集按小學紺珠本宋王應麟所著志稱蒙卿有此書借未得見

陰幼遇字時夫奉新人登宋寶祐九經科宋亡不仕著韻府群

玉二十卷以事繫韻以韻摘事經史子集蒐獵靡遺垂三十載

而成見幼達為之隨字註釋以備觀覽延祐初錢梓盛行于世

據南昌志所載如此按本書則為陰時夫字勁菴所輯其兄中夫字復春為之註其父號竹壘翁則宋進士也

劉辰翁字會孟廬陵人補宋太學生廷試因言濟邸無後可勵

忠良戕害可傷風節不競可憾忤賈似道意置丙第遭亂隱居

求道著須溪文集子尚友克世其家吳澂評其父子之文謂辰

翁奇詭變化尚友浩瀚演迤皆能成一家言

宋无字子虛舊字晞顏壯歲負氣視功名如拾芥宋末兵起白

晉陵遷吳昌朱姓雖奔走捨讓學業不怠父國珍仕元領征東

萬戶案牘適病痿无句以身代入海抵竹島風雹交作隨驚濤

上下未嘗廢吟咏至元二十四年中丞王西溪舉茂才以奉親

辭著翠寒集詩趙孟頫稱其風流蘊藉皆不經人道語又吟藝

集一卷雜咏古人軼事更有鯨背吟乃從事征東幕府時作皆

七言斷句議論諷刺探賸闢幽不當徒以詩目之按趙魏公翠

虛舊以晞顏字行則曹學佺十二代詩選別載宋末

顏鯨背吟者誤也未知子虛曾冒朱姓本一人耳

白珽字廷玉錢塘人年十三受經太學即有聲性耿潔甫壯授

從藏書家晝緜夜誦燈墜花穴帽不知也李衍為江浙平章薦

授太平學諭珽勉起應命秩滿遷蘭溪州判官不赴其詩文為

時所重紫陽方回稱其冠絕古今剡源戴表元謂其注波五經

之淵披條百氏之腕廬陵劉辰翁言其蒼然者不惟極塵外趣

兼有雲山韶護之音晚歸老棲霞學者稱湛淵先生所著曰經

子類訓曰集翠裘曰靜語各二十卷亦工書有魏晉風

劉應龜義烏人自少潛心義理之學每以古人自期宋咸淳間

遊太學丞相馬驥高其才將以女妻之堅不允由是名稱藉甚

至元初起為月泉書院山長升杭州學正所著有夢稿癡稿聽

雨留稿共二十卷

元淮字國泉別號水鏡臨川人徙家邵武初以軍功顯閩中官

至溧陽路總管嘗有詩云篋髮撻繩聯斷鐵擔旗作帶繫金釧

臥薪嘗膽經營了更理毛錐治溧陽溧陽為金陵上邑至元七

三年升為溧州繼改溧陽府已升為路淮到省乞改作直隸州

少蘊民力及去任作詩云問歸行李輕如羽沿路吟詩有一船其廉退之風可想見著金剛吟一卷

袁易字通甫長洲人丰姿秀朗不求仕進行省使者將薦之朝謝不可辟署石洞書院山長辭歸居吳淞具區間築堂曰靜春聚書萬卷手自校定著靜春堂詩集四卷與郡人龔璠郭麟孫爲吳中三君子趙孟頫嘗作臥雪圖貽以美之子泰字仲長爲郡學教授別號寓齋亦有詩行世

徐鈞字秉國蘭谿人宋汀州使君時升之子也以父任爲濠州定遠尉宋亡不仕家故多書發其篋盡讀之至古今興亡之變治亂之故有慨於中則發爲詩歌通計一千五百三十首名曰史詠同郡許謙黃潛皆爲之序

胡助字履信東陽人貌清古深究經史百氏大旨舉茂才授建康路學錄至順間用薦改國史院補修官平生薄勢利與人無怨惡嘗作大拙小拙傳以寓意著純白類稿三十卷

姚應鳳字時和慈谿人自幼承家學卽以文字爲業頗自雄其才喜馳騁每屬筆於廣衆中詞鋒起逸驚一座後持以謁同郡袁桷桷語之曰子文不受束縛然法度自不可廢也應鳳領之自是務爲簡嚴日益深邃至元間嘗就試省部時以龍虎臺命題有司得應鳳賦嘆曰此楚漢故物也置高第其賦爲世所傳誦有訥軒稿若干卷藏於家

謝暉字彥實資陽人識見通敏早歲受業胡長孺之門以德業自勉或勸習舉子業答曰學以博通古今資文行耳仕奚所急趙孟頫見而愛之授以書法一臨池遂得其神爲詩文簡淡雋永尤長尺牘人得其片楮爭藏弄以爲榮暉亦不自秘惜有求

及私說者謂其貞不絕俗云

方道龐字以愚淳安人宋尚書逢辰曾孫從同里吳朝陽先生游以春秋名當世登至順二年進士授翰林編修官所撰后妃功臣諸傳筆削大義獨斷於心無能讓者調杭州府判以疾歸著春秋集釋愚泉詩稿各十卷詩說文說選唐詩各一卷

吾衍字子行由太末徙家錢唐性凌物傲世故高不事之節求室委巷中教小學常數十人或請講視樓上遙謂曰吾出有間矣著尚書要略聽玄集造玄集九歌譜十二月樂譜辭重正卦

氣楚史檇杙管文春秋諸書兼通音律工篆隸初衍年四十未娶所知為買酒家女為妾年饑女嘗爭人後夫知妾所在訟之衍遭控辱不勝忿因詣仇遠作別句

辰出留詩一章有西冷橋從衍學知其死乃堊衍遺文於後山

仇遠字仁近錢塘人官溧陽州教授好古博雅楷書學歐陽率更行書亦善所著有山村集批註唐百家詩選名重一時

呂徽之號六松家仙居萬竹山常逃名耕漁以自給偶攜楮幣詣富家易穀種值大雪立門下人弗之顧徐至庭前聞閣中分韻作雪詩有得滕字者苦吟弗就徽之不覺失笑諸貴游出見其露頂短褐輒侮之詢其見笑之由徽之曰我意舉滕王蛺蝶

事耳衆始嘆服邀入坐以藤滕二字請延之即援筆大書復請和曇字韻更立就和畢便出衆疑其為百處士也與之殷拂然

曰我豈受不義者必易之刺船而去遣八遙識其處雪晴往訪焉惟草屋一間家徒壁立忽米桶中坐一人乃其妻也試問呂

文翁二

先生何在曰溪上捕魚始知真爲徽之天詣其處方艤舟隔岸
曰諸公盍先到舍遲我乎少頃攜魚換酒至盡歡而別他日復
往躡其蹤則遷居矣一日與治中陳季通諸道子策蹇馳見徽
之風神高簡問曰得非呂先生乎曰然一握手共論驢故事徽
之舉一事孚答一事互至四十餘事季通一能答徽之曰我尚記
有某出某書傳者又三十餘事孚深敬之

薩都刺字天錫別號直齋本谷失蠻氏祖父以勳留鎮雲代遂
爲河間人弱冠成泰定中進士授應奉翰林文字擢御史於南
臺以彈劾權貴左遷鎮江錄事歷淮西廉訪經歷有詩名善楷
書晚年寓居武林每風日晴好輒肩一杖挂瓢笠踏芒躡几深
巖邃豁人跡不到處無不窮其幽勝興至則發爲詩歌所著有
鴈門等集西湖十景詞至今膾炙人口

周權字衡之號此山處州人磊落負雋才持所作走京師示袁
桷大異之謂其意度簡遠議論確深可預館職力薦弗就陳旅
選其詩題曰周此山集歐陽玄序云季世詩人宋之習近訛彼
金之習尚號呼當混一之初猶或守其故習今則皆自刮削而
不爲矣此山詩簡淡和平語多奇雋揚侯斯謂詩之正如日月
星辰山川草木鳥獸而其變如風雲雷電龍騰虎躑要在盡其
常通其變而已惜不得與衡之共論之

王景賢號愚谷海康人少領鄉薦爲邕州路教授歷慶路天河
二縣尹學博行修著作超逸文宗出居海南得所爲詩嘉其清
雋手書愚谷二大字賜之及卽位更賜以大花宮袍

陳泰字志同茶陵州人延祐初與歐陽玄同舉於鄉以天馬賦
得薦官龍泉簿生平以吟咏自怡別號所安有所安遺集一卷

好作歌行出語清婉有致居易錄云元詩中道園

朱文憲字原道莆田人泰定中進士由甌寧縣尹至泉州路總

管致仕博學洽聞宋濂稱其文言醇而理彰著有葵山集

于欽益都人博學多聞官兵部侍郎奉命使山東周覽山川風

土參考水經地記及歷代沿革之詳著書六卷名齊乘字思容

王炎午字鼎翁安福人宋末為上舍生少年負氣節母沒廬墓

左終身不歸文天祥被執過青原炎午作生祭文遺之其辭曰

嗚呼大丞相可死矣華元腹腸于昏脫走丞相自敘死者數矣
誠有不幸則國事未定臣節未明今鞠躬盡瘁則諸葛矣保捍
闕廣則田單節墨矣倡義勇出一死耳奈何再執涉月踰時就義
無所成而大節亦無規所欠一死耳奈何再執涉月踰時就義
寂寥聞者驚惜豈丞相尚欲脫去邪尚欲有所為邪東南全
盛不能解襄圍今以亡國一夫而欲抗天下况趙孤誰海楚懷
人關商非前日之頑周無未獻之地南北之勢既合天人之際
可知彼齊廢齊與楚亡楚復皆兩國相當之勢而兩君大臣固
無恙也今事勢無可為而臣皆為執矣臣子之於君父雖大節
決大難事可為則相意忍死以就義必不幸則仗大節以明分

故身執而勇於就義當以果勇張繩為上李陵降矣則曰欲
為且思勿頸以見志其言誠偽既不可知况形拘勢禁不及為
者十八九丞相之不見志其言誠偽既不可知况形拘勢禁不及為
月積丞相不死當有死丞相者矣丞相何所俟乎以舊主尚在
未忍棄捐也李昇募楊行密之黨遷其子孫於廣陵嚴兵守之
至子孫自為匹耦然猶得不死周世宗征淮南下詔撫安楊氏
子孫景昇疑王行既歸唐莊宗發三長之誓全其宗族未幾
矣可不懼哉蜀王衍既歸唐莊宗發三長之誓全其宗族未幾
信伶人景進之計行於報施然建其暫處備坐苟安舊主正坐危
之遇降主天固巧於報施然建其暫處備坐苟安舊主正坐危
疑焉臣猶事體體而聲氣所逼請練必生豈無李昇之疑或景
進之計則丞相於舊主不足為情而反為害矣炎午丞相報
晚進也前成均之弟子員進而父沒退而國亡生雖陳東報
子持之忠死不效陸機入洛之難丞相退而國亡生雖陳東報
僕也邪痛惟千載之挽歌願與丞相商之得之愚敢獻於後進薄
之素服先亮之挽歌願與丞相商之得之愚敢獻於後進薄
嶺以山巔不得留漢陵盛矣科目尊矣宰相忠烈合為一傳矣舊
母那而首丘焉廬陵盛矣科目尊矣宰相忠烈合為一傳矣舊
主為老死於降耶宋亡而趙不絕矣不然或拘囚而不死或秋
暑冬寒五目不汗瓜蒂噴鼻死溺死畏死排牆死盜賊毒蛇猛
虎死輕一死於鴻毛虧一簣於泰山而或遺善主憂縱不斷趙
盾之弒君亦將悔伯仁之由我則鑄錯已無錢嗟靡寧有口及
乎嗚呼四忠一節待公而六為位其間聞詩則哭嗚呼傷哉及
賣山簡條

張千載持天祥齒髮歸炎午大慟復爲文祭之著吾汝稿梅邊

集雪樓集云廬陵王幼孫字季雅當文丞相被執時

楊士弘字伯謙襄陽人好古學嘗選唐詩一千三百四十首分

爲始音正音遺響總名曰唐音其自著有鑿池春草集與豫章

萬白大梁辛敬秣陵周貞鄭大同皆以詩確名聲相埒

吳正道餘干人深通六經兼明字學能補許慎說文所不足吳

激嘗問曰模楷二字假借乎曰取義也淮南子草木譜云模本

生周公冢其色正楷本生孔子冢枝葉質直若正與直可爲法

則况在聖人冢乎激大敬之有大書原六書通正六書淵源圖

字偏旁辨誤存古韻譜諸書激爲之序

史公珽字摺叟明州人精易理作文有典則同里鄭奕夫以道

學文章自命每有論議必俟公珽鑑定然後出稟隱居數十年

以教稱端學庶主甬東書院遂棄去廬處士有蓬廬稿易演義及象數發揮若干卷

陳大倫字彥理諸暨州人始學於從兄洙後事吳萊絕意仕進

元季避兵流子里作晚香亭日與賓客暢飲高歌舉座絕倒嘗

語人曰吾平生無他嗜唯攻文成癖學斲斲垂四十年昔之

人如此者何限今安在哉每搔首自傷感者亦共傷之所著有

春秋手鏡尚雅集

李康字寧之桐廬人事母篤孝人稱李孝子工詩文旁及書畫

琴奕無不冠絕一時至正二年郡守馬九臯遣使幣聘不起九

年張奉使高其行又起之復辭及行省宰臣至邑命邑令造請

議事康不得已往極談當時得失欲官之以母老辭有杜詩補

遺桐川詩派梅月齋永言看山清暇集各若干卷

黃玠字伯成定海人幼勵志操博洽無不通隱居教授孝養二親遠近聞其名爭迎致之晚年樂吳興山水之勝卜築弁山自號弁山小隱有知非稿纂韻錄唐詩選行世

廼賢字易之本葛邏祿氏漢姓爲馬世居金山之西後散處內地隨兄塏海仲良宦江浙遂家明州生平不喜祿仕獨長於歌詩不規規雕刻而溫柔敦厚有風人之致每一篇出士大夫輒傳誦之時浙人韓與玉能書王子充善古文人目爲江南三絕至正間用薦爲編修官有金臺集海雲清嘯集行世

丁鶴年以字行其先西域人父職馬祿丁徙居武昌因以丁爲氏年十七通詩書禮三經至正間淮兵渡江襲武昌鶴年奉母行備歷艱阻聞從兄吉雅謨丁爲定海令徒步往依焉省臺交薦凡九上皆不就既而方國珍據浙東鶴年深匿海島賣藥以

自給凡憂君愛國之念皆發之詩歌著有海巢集

沙喇班字敬臣號山齋畏吾人順帝之師也爲學士時常侍左右一日體少倦偃臥便殿側因而就寐帝以藉坐方褥親扶其首枕之嘗患癩額上帝於金鉢中取佛手膏躬與之貼其隆重無比能詩文兼工大字每與張翥論文翥多見屈服

楊少愚青陽人少好學博通羣書著孝經衍孝編秋浦集九華

外史各數卷同邑陳清隱與之齊名數舉不第汗漫江湖間嘗集杜甫詩句爲鳳髓集又有九華詩集

山堂雜考作隸巖清隱其字也

王立中其先自京兆徙閩州博學善詩文出慈溪縣尉遷松江知府有廉聲所著有息庵寓齋樵隱三集

何失昌平人負才氣能詩文至正間名公文薦以親老不就揭傒斯雅重其人贈以句曰心事巢由上文章陶阮間虞集見其

所作嘆曰當序而傳之使後之作者亦知世有斯人

翟炳字欽夫林州人詩效樂天體尤善楷書適勁可法同邑王鼎字大熊賈竹字彥清皆工翰墨能詩隱居不出時稱林慮三隱人罕觀其面者故其著作多不傳

程以臨字至可江西寧州人後至元間除將仕郎辭不就天資超悟尤長於詩構別墅閉戶著書老而彌篤選編漢魏唐宋諸詩名曰刪後正音其自著有瓢九小集

王原杰字子英吳江人至正間領鄉舉值軍興不樂仕者春秋獻義十二卷其文曰貞白英華集詩口水雲清泉集

王逢字原吉江陰州人才氣爽俠以能詩名於時至正中作河清頌臺臣薦之稱疾辭晚年避亂上海之烏匯築草堂以居自號最閒園丁又稱席帽山人有梧溪詩集七卷記載宋元之際

人才國事多史家所未備

黃庚字星甫天台人嘗入詩社試枕易題推第一所著有月屋漫藁其自序曰僕齡齒時習舉子業不暇為詩自科日廢始得脫屣場屋放浪湖海凡平生豪邁之氣盡發而為詩若醜雞之出甕天坎蛙之出蹠泐而遊江湖也其風致清遠用意推敲不媿騷壇領袖

蒲道源字得之號順齋世居眉州之青神幼強記過人究心濂洛之學嘗為郡學正能歸晚以遺逸徵入翰林改國子博士歲餘引去起提舉陝西儒學不就優游林泉病弗御醫藥飲酒賦詩而逝仲子機為秘書少監哀其遺文曰閑居叢藁二十六卷黃潛為之序稱其以性理之學施為臺閣之文光輝自不可揜

陵川集云延祐五年道源為編修官言郝經續漢書黜曹魏而使昭烈上繫漢統扶植綱常有裨世道即諱道源監刻行世

謝宗可金陵人有咏物詩百篇傳於世皆婉秀有思致汪澤民題其卷謂綺靡而不傷於華平淡而不流於俗

岑安卿字靜能餘姚人所居近栲栳峯號栲栳山人與李季和危太僕相善嘗作三哀詩弔宋遺民之在里中者寄託深遠其昆季多以科名顯而靜能獨淪落不偶然兵火之餘顯達多不傳而栲栳山人集遺詩尚有膾炙人口者

洪希文字汝質莆田人父德章號吾圃宋貢士初爲興化教諭會兵亂父子同居萬山中朝脯孟飯燒芋咬菜相倡和無慍色德章有集曰軒渠希文因自號續軒渠集又號去華山人稿皆自成一家機軸

孟昉字天緯本西域人寓居北平至正中山翰林待制官南臺御史工書法有孟待制文集多歌曲精究聲韻之學

劉友益字樂三永新人宋亡卜築萬山間杜門不與世接著通鑑綱目書法五十九卷研精覃思歷三十年而後成揭傒斯稱之曰百世而下先生此心先生不作山高水深

趙居信字季明許州人少穎敏過人英宗至治三年丞相拜住薦其爲碩德老儒徵拜翰林學士承旨所著有經說史評蜀漢本末理學正宗禮經壘制等書卒諡文簡

鄭元祐字明德遂昌人兒時以乳媪失手傷右臂比長能左手作楷書規矩備至自號尚左生僑居平江聲氣雲集文酒之會記序多推屬焉所著有遂昌山樵雜錄其詩曰僑吳集

胡天游名乘龍以字行別號松竹主人岳之平江人本文獻世家子有俊才七歲短吟具作者風力名藉一世然負高氣孤立峻視不肯一起取斗祿扼腕當時俯仰太古鳴之歌什有沈湘

蹈海之概其詩名傲軒吟豪晚歲益自矜其徘徊亂世以緬想
太平之心更作述志賦以寓長飲之恨云

周震字亨遠安成人父以道篤志古學宋亡遁跡石門田西
震績其世學益歛英華專意古文辭每屬文不起草而用意精
刻至正中遭亂其感時觸事之作皆可爲國史補晚年自號石
西子有石初集十卷謂石門吾先志不忘本也

紇石烈希元本遼巨族隱居成都篤志窮經於易象春秋二書
精考密察深得先儒不傳之秘一生安貧樂道不務虛名所作
詩文甚富未嘗出以問世每閉門考擊殊有志於三代禮樂謂
百年可興大德初柳貫爲奉常特舉以自代

潘音字聲甫天台人生十歲聞崖山之變昏迷不食者累日長
而絕意進取掇野蔬以自給躬耕世田十餘畝非其力不食也

築室南洲山中扁其軒曰待清或勸之著述曰六經語孟先儒
所言備矣吾何以注脚爲居閒讀書有得往往筆之壁牖間至
正三年詔徵天下遺逸廉訪使檄贊之行固辭嘗嘆曰泉石膏
肓非其時莫可療也有待清軒遺稿及讀書錄

郭銜字彥章吉水人壯年負盛氣爲詩清麗有法其於離亂窮
愁之作尤悽惋動人年逾六十竟以貧死其春夜寒詩序云余
值時危一窮到骨今春雨雪連旬擁牛衣以當長夜遂成疴瘡
亦可哀已所著靜思集詩文甚富

舒頤字道原績溪人年十五六與同郡程文講明經史之學後
至元中辟貴池教諭秩滿轉台州學正時艱不仕奉親攜書歸
遁山中嘗與親避寇巖谷被執頤正色叱賊賊感而釋之其詩
盤桓蒼古不貴纖巧織紵之習字尤喜樸拙識者曰宗漢隸非

入法也學者稱貞素先生有華陽貞素齋集七卷

楊維禎字廉夫諸暨人泰定初進士署天台尹罷去張士誠據浙西累使求致不能屈且撰五論反復告以順逆成敗之說識者避之生平氣度高曠喜戴華陽巾披羽衣周遊山水間以聲樂自隨早歲屏居吳山鐵冶嶺築萬卷樓輓轡傳食讀書其上者五年故以鐵崖自號已得鐵笛於湘江吹之亦號鐵笛子文辭非秦漢弗之學久與俱化晚年築蓬臺于松江東南才俊士投贄求文者無虛日當疾急撰歸全堂記頃刻立就擲筆而逝著有四書一貫錄五經鑰鍵春秋透天關禮經約歷代史鉞二百卷詩有瓊臺曲洞庭雲間雜吟五十卷

李昶字一初茶陵州人元統初登左榜進士第一應奉翰林文字母老就養江南改婺源州同知以母憂歸隱永新山中年七

寸餘遭兵亂被傷而歿總制新安余茂刻其遺文為雲陽先生

集十卷同榜王禮字子讓廬陵人元亡不仕日以鐵拄杖探詩山谷間著作甚富不求聞於時故所傳絕少

戴良字叔能浦江人少事舉子業尋棄去專心博古學文於柳貫黃潛學詩於余闕皆得其師承至正中以薦授江北儒學提舉而浙東已陷乃避地吳中久之學家泛東海渡黑水憇登萊求間行歸值道梗不得達僑寓昌樂數載訪求齊魯間豪傑奮欲有為而卒無所遇晚年南還變姓名隱九靈山下有九靈山人集三十卷

一統志云有春秋金華正學編載夏正辨謂周經傳考和陶詩 嗚呼俱不改弘經據史最確

李廷興字繼本先世本中州元初占籍北平父士瞻為翰林學士承旨廷興少負詩名成至正丁酉進士授太常奉禮兼翰林檢討中原倣擾隱居不仕河朔學者多從之以師道尊於北方

有一山文集

王冕字元章號煮石山農諸暨田家子也年八歲父命牧牛隴上竊入學舍聽諸生誦書聽已輒默記暮歸忘牛父撻之已復如故安陽韓性聞而異之因錄為弟子通春秋諸傳一試不第卽焚所為文常着高簷帽披綠簑衣履長齒木屐或騎黃牛持漢書朗誦人皆目為狂北遊燕有欲薦以官職者冕曰不滿十年此中狐兔遊矣何以祿為卽遁歸隱九里山結茅三間自題為梅花屋嘗做周禮著書一卷坐臥自隨賦詩千百言立就善畫梅自書所題其上人爭寶之

樵書云明兵攻城界至軍前而言而死

張憲字思廉山陰人別號玉筍生負才不羈嘗走京師劄言天下事衆駭其狂還入富春山泥緇黃以自放張士誠據吳辟為都事吳亡變姓名走杭州且暮手一編人不得窺死後視之其生平所作詩也楊維禎曰吾鐵門稱能詩者南北凡百餘人求其似憲者不能十人有玉筍集皆懷古感時之作

周之翰字申甫華亭人精易學自號易癡道人兵興隱居神山作乾坤闔闢天地生成陰陽變化山川流峙四圖并贊以發明其蘊奧講授鄉里晚涉老莊乾竺等書無不通貫

李存字明遠安仁人穎悟該博好為古文論與貴溪祝蕃遠舒元易吳尊光同游上饒陳立大之門號西江四先生葺書室曰竹莊決計長隱秘書李孝光舉以自代不起有埃庵集三十卷

俊儀謙益刊詩集謂存卒于洪武甲者誤也危素所撰墓志年月甚明

甘復字克敬餘干人至正之亂張仲舉為居雲錦山復與甘彥初張可立往從之遊仲舉少許可獨推重三君為士林遺逸復與彥初詩多流傳惟可立不著

顧德輝字仲瑛別名阿瑛崑山人少輕俠通賓客年三十始折節讀書購古圖書藝器鑑賞自隨舉茂才署會稽教諭不就卜築玉山草堂供張亭榭之盛甲天下日與高人觴咏都爲一集曰玉山名勝又會萃其所得歌詩曰草堂雅集張士誠據吳避隱合溪母喪歸張氏再辟辭不獲乃髡髮廬墓號金粟道人臨卒自爲壙志戒其子以紵衣桐帽履屨布襪纏裹入土 同郡唐元字本初嗜古博雅有船號一葦枕浮遊江湖日哦詩其中每過阿瑛溪上必繫舟談笑終日詩見草堂雅集

張樞字夢辰陳留人徙家華亭築室曰讀書莊與諸弟倡和爲樂兼工行楷貝瓊作傳云陳留張氏子夢辰居華亭之城東日與弟子數十輩講春秋或勸之仕不應人以是高之稱曰林泉民年八十餘乃終

錢惟善字思復錢塘人長於詩學至正辛巳鄉試出羅剎江賦鎖院三千人皆不知羅剎江爲曲江卽錢塘江也惟善引枚乘七發爲據謂發源太末大爲主司所稱由是得名號曲江居士又自稱心白道人著有江月松風集十二卷官至副提舉張士誠據吳退隱吳江之筒川工書法其卷間多留傳人間者華亭陸居仁字宅之以詩經中未定丙寅鄉試自號雲松野褐與惟善楊維禎遊歿同葬於山東麓號三高士墓

張昱字光弼廬陵人早游湖海爲虞集張翥所知累官杭省左右司員外郎日以詩酒自娛超然物表後棄官歸張氏禮致不屈策其必敗題蕉葉以寓志居西湖分放舟湖心把酒扣舷自歌其所爲詩笑曰我死埋骨於此題曰詩人張員外墓足矣自號可閒老人年八十三而終有左司集

陶宗儀字九成黃巖人父愷爲福建行院都事九成幼好古麗落不凡少舉進士一不中卽棄去工文章尤刻意字學至正間浙帥泰不華南臺御史丑問辟舉行人參官皆不就後避兵三吳間藝圃一區躬耕之暇每以筆墨自隨時輟耕樹陰抱膝而嘆每記一事輒摘葉書之貯一破盎去則埋於樹根人莫能測如是者十年餘遂累盎至數十一日盡發其藏萃而錄之合三十卷題曰南村輟耕錄又有說邪一百卷音史會要九卷四書備遺二卷其未脫橐者不與焉

問曰言以載道正史獨缺文人嘔心節忍湮滅廣羅博取各以類列一代作家庶傳累葉

李旬金守仲和號竹山溧水人宋進士爲無爲軍節制官入元不化工書法所撰有楷古韻及存古正字編傳於世

金應桂字一之號蓀壁錢塘人爲宋縣令元初隱居風篁嶺考

書垂老楷書師歐陽率更體純熟畫學李龍眠嘗作巖居上真出塵觀音刻石性高亢不肯爲人下筆故傳世者絕少

龔開字聖與號翠巖淮陰人宋兩淮制置司監官入元不仕性耿介不同流俗作古隸得漢魏筆意畫山水師米人馬師曹霸描法甚麗尤喜作墨鬼鍾馗等像奇變自出一家嘗爲文天祥陸秀夫作傳時稱班固手筆

鮮于樞字伯機號困學民漁陽郡人官太常典簿面帶河朔偉氣每酒酣驚放吟詩作字奇態橫生善行草趙孟頫謂樞蚤年嘗作吏故所書間有俗氣會見手編草韻下用小楷音釋類鍾元常殊不易得云樞嘗於廢圃得怪松一株移置屋前呼爲支離叟日夕與之相對所著詩文名困學齋集子去矜孫端皆以

能書名

有邊武字伯京吳里字處仁洪恕字主敬蔣惠號紫芝山人行草專學伯機時有亂真者

柯九思字敬仲號丹丘生天台人官奎章閣鑒書博士能詩文

善楷書並畫竹木筆勢生動論者謂文與可後一人每得意輒

題詩其上一時珍貴稱三絕雅好填詞有北曲十二本文宗至

順三年御史臺劾其賦性矯譎挾末伎以趨權門遂罷官

杜敬字行簡大梁人後寓杭與鮮于伯機趙子昂為友善鑒古

器物有清裁好鼓琴知音律尤長於書喜蓄古名人墨跡歷代

金石刻甚富大冠長裾優游吳山文酒間晚號夷門老人

周巖

一作周仲巖

新黃人幼端方博識古文於篆隸尤癖嗜世家大

族有古本藏書不遠千里赴之必期得見一經別自輒能指其

神妙遠近碑刻藉手以為寶重然有求書者或非聖賢理道雖

百計懇卒不與儒者以是多之故所行世亦絕少

劉致字時中河東人官翰林符制風情高簡蚤負聲譽能篆有

所著復古糾繆編傳世行草宗晉人而不純熟

宜昭字伯綱號長齋漢東人有雅行精通古今於天文地理陰

陽術數百氏之學無不諳詣尤精翰墨正書能備八法

班惟志字彥功號恕齋大梁人初徽仁裕聖皇后以泥金寫大

藏經學士邵文原舉惟志入經局補州教授累官集賢待制早

歲宗二王筆勢翩翩不失書家法度晚年學黃華應酬塞責文

宗嘗評其書謂如醉漢罵街

周馳字景遠聊城人官燕南廉訪僉事雅贍經術嘗為南臺御

史分治過浙日與朋友周旋每有往復其書吏記之壁間以示

風刺馳名謂日人所以讀書為士君子者正欲為五常主張也

使我今日謝絕故舊是為御史而廢一倫寧失御史不可滅人

續以簡錄

卷三十六

文

文翰二

理也善作行草婉約豐妍

周砥字履道無錫人博學工文詞正行草書運筆分布勻穩兵亂避地與義興馬治交厚往舍荆溪山中治為治具巾車泛舟窮陽羨溪山之勝有荆南倡和集義興多富人與治善者咸置酒張樂名砥砥心惡之一日貽書別治夜半遁去歸吳中與高陽諸人游書畫益工已又去之會稽歿於兵

宋季子以字行臨川人能古隸嘗增廣宋婁機漢隸字源及撰兩漢字統凡十二卷明州袁衷字德平嘗著書學篆要使游藝者知所取法兩人名並一時

盛熙明其先鮮卑人後居豫章篤學多材工翰墨能通六國書至正中嘗以所編法書考八卷進上覽之微卷命藏中秘

巾曆徵字敬仲諸暨人謹言端行為鄉里所重性寡合鑿之容色毅然至有所請則溫煦和婉辨析必盡工古文辭春容簡奧

精篆籀小楷咄咄秦晉粹本路教授辭不行晚節益堅有遺世獨立之意所著有孝全撫言數卷

書史會要載善古篆隸者有應在字止善句章人嘗作篆
隸偏旁點畫辨王翼字元微號華陽生金壇人有所篆四書
張纂字公弁保定人官集賢大學士篆書淳古趙期頤字
子奇官西臺治書侍御史工大篆董倫字安常篆宗周左丞楊
益字友直官臨江路總管其古隸學廬江太守碑俱沐人第
惠官南臺御史善大小篆湯焚號箕山陽人進士及第
華人大小二篆純熟姿媚行書亦有氣韻王廉字熙陽括蒼
人能兼篆隸祖子靜平江人篆師二李吳徽字孟思錢唐
人工篆隸而于古體尤精但筆墨離刻人以為病同鄉吳福孫
字子善官上海主簿楊葵字彥常官翰林編修楊遵字宗正李
林字九阜莫昌字景行俱善篆隸李處巽字元讓東平人能
小篆王禮字禮仲維揚人篆宗康謙中夾谷希顏觀並
江石人王篆余襄郡陽人篆其大字尤精張體字孟庸
江陰人隸書學李重光金錯刀法時作顛學勢雙鈞亦純熟
趙儼字子威真定人官翰林學士余謙字嬰山池陽人官江蘇
儒學提舉石巖字民瞻京口人官縣尹隸書俱學韓尚書王
務道字弘本山陰人吳志淳字主一曹南人古隸俱學孫叔敖
碑李有一名立義字仲方燕京人官兩浙鹽運司經歷工古
賣山商錄

隸枯木竹石意尤高遠

楷學文忠劉堪字子輿樵李人歐復字伯誠鄱陽人艾斐

字季成臨川人張文盛字彬之疎陵人曹楚字子學東平人李

介石字守道天台人隸書俱得古法善真草篆隸者有陸友

字友仁錢良右字翼之錢遠字伯行盧熊字公武俱平江人朱

芾字孟辨陳璧字文東俱華亭人鄒偉字元偉江右人真草篆

隸悉合規矩章彌字共辰亦華亭人未十歲即能扁勝大字

及長真行草篆俱大字兼工八分善八分書及大字者有鄭杓字

子經甫田人能大字兼工八分有所著行極行世汪正字大

雅四明人專精八分書牛麟字伯祥太原人汪從善字國良錢唐

畫墨竹意亦蕭散趙風儀字瑞卿號怡齋官京畿都漕運使

李敏中字好古官陝西行省郎中俱沐人汪善字國良錢唐

人官郤武路總管宗椿字壽卿山左人官南臺照磨昔工大字

善真行草書者會選字心傳華亭人官安吉主簿至元末被選

入京書泥金字藏經同鄉衛德辰字立中書學舍利塔銘從子

仁近字叔剛楷書學黃庭經曹永字世長正書學舍利塔銘從子

汝礪新喻人官廣東廉訪照磨正書學歐陽率更詹希源字

孟舉其先徽人徙居都門正書師虞永興富自繩墨字愈大愈

有神力吳雲字友雲義興人官太子司經陳謙字伯謙天台

伯貞嘉興人官建德縣尹陳子輦字象賢奉化人陳德承字叔

夏黃巖人書法並宗李北海夏日攷字仲善吉安進上官會

稽縣尹楷學顏魯公王默字伯靜華亭人書學趙魏公行筆

出其手朱振字良玉草學聖教序真師趙魏公並鄱陽人鄭

瑤章德懋俱與魏公同時每為代筆俞和字子中號紫芝生

嘉人官秘書少監陳睿字思可鄭炳字元炳謝肅字元功唐肅

字處敬陳宗亮呂中立俱會稽人卓習之慶元人正書並師二

王名著浙東先後相望倪中字中微信州人官翰林待制正

平江人從容澹靜行楷有晉人風致唐志大字伯剛落筆峻

激畧無帶思鄧學可龔璠字法悉規模晉宋各臻其妙並維揚

人張仲詩字希靜號疇齋錢唐人官翰林學士承旨行草宗

義獻甚有典則亦工大字同邑范中子正黃申字彥美皆

善真草書程君寶灤源人草書得鍾素體宋廣字昌裔南

陽人草師懷素惜其常作十數字相連不斷非古法胡布字

子申善草書高翼字茂之官嘉興路推官善真行草書並河南

人但翼不知六書偏旁時作謬字為有識所鄙行草書並河

樂陵人官中書省員外郎草書師張長史又善山水墨竹士衡

履字安道茶陵人葉見泰字夷仲丹丘人鄭禧字熙之宋克字

仲溫俱平江人葛慶龍居越中號越臺洞主端本智字孝思江

右人並工草書葛慶龍居越中號越臺洞主端本智字孝思江

逸所重元正吉水人官翰林檢討善行草書其隸法師蔡邕為

積字廷幹官福建參政燕京人史性良字顯夫官中書平章杜

從訓字義方官江陰州尹俱鄆城人段天佑字吉甫沛人官江

浙儒學提舉林鏞字叔大官江浙行省員外郎張翼一名

是字紹南俱嘉興人徐子愚吳興人翰墨並有聲於時

李衍字仲賓剡丘人別號息齋道人博學多通官江浙行省平

章少時見人畫竹從旁窺其筆法始若可喜旋覺不類輒嘆息

捨去後從黃華子澹游學已觀華所畫墨蹟又迥然不同乃復

棄去至元初來錢唐得文同一幅欣然願慰自後一意師之兼

善畫竹法加青綠設色皆曰墨竹畫竹皆起於唐白吳道子以

來名家纔數人王右丞妙蹟世罕其傳蕭協律雖傳昏腐莫辨

黃氏神而不似崔吳似而不神惟李頗形神兼足法度該備然

文湖州最後出不異杲日升空燭火俱息黃鐘一振瓦釜失聲

矣後使交趾深入竹鄉於竹之形色情狀辨析精到作畫竹墨

竹二譜凡精頓礬絹之法悉備子士行字遵道官黃巖知州畫

枯槎竹石得家學而過之尤善山水

陶復初字明本別號介軒老人官台州儒學教授博綜羣書多

才菘小篆師徐張古隸師鍾梁圖繪專師李蘄丘父子作墨竹

及着色竹皆工亦能山水從子宗暹一名文昭字晉生官江浙

儒學提舉書畫並擅一時

志云復初官樂清縣尹宗暹官秘書監典簿

王振鵬永嘉人工畫山水人物尤精界畫文宗詔繪殿壁稱旨

欲官之不受賜號孤雲居士時人重其品以幣交者履錯戶外

苟非其人未嘗輕點一筆所傳春明奪標圖與清明上河圖同

價嘗奉詔作十妃冊藏之內府天台衛九鼎能得其傳

陳仲仁江右人官陽城主簿少負逸才喜翰墨為湖州安定書

院山長日與趙孟頫論畫法孟頫多所不及後見其寫生花鳥

含毫命思追配古人嘆曰雖黃筌復生亦復爾爾

王淵字若水號澹軒錢唐人幼習丹青嘗侍趙孟頫多得指教

故落筆皆師古人無一毫院體山水師郭熙花鳥師黃筌人物師唐人各極神品其淺墨花鳥竹石尤當代絕藝

高克恭字彥敬號房山其先西域人後居燕京官刑部尚書善畫山水始師二米後學董源墨竹宗黃華皆有古趣怪石噴浪灘頭水口烘瓊潑染作者鮮及一日與客遊西湖見素屏潔雅乘輿寫奇石古木數日後趙孟頫為補叢竹虞集題詩其上此

圖遂成三絕世爭寶之錢塘周如齋學山水獨稱高弟錢選字舜舉吳興人幼有文名善人物花木翎毛師趙昌青綠山水師趙千里且善作折枝其得意者自賦詩題之小楷亦有法門人沈孟堅師其花鳥往往逼真

蘓大年字昌齡以字行真定人僑居揚州元末官翰林編修亂後避兵居吳張氏開藩特用為參謀稱蘓學士先吳亡而卒

詩文尚氣不喜衰頹有江海襟懷晚年自號西坡三稱蘓主竹石師東坡松木師廉宣仲畫家宗之倪瓚字元鎮號雲林生無錫人詩名傳聞館閣間晚年益肆力吟咏不蹈襲前人軌轍書逼黃庭畫法入巨源之室嘗自題其畫竹云人每愛余竹余之竹聊以寫胸中逸氣耳豈復較其似與非葉之繁與疎枝之斜與直哉或塗抹久之他人視以為麻為蘆僕亦不能強辨為竹生平強學好修所居清閟閣藏書數千卷皆手自勘定鼎彝名琴陳列左右松篁蘭菊敷紆繚繞性好潔盥頰易水冠服振拂日以數十計見俗士避去如恐免至正初天下無事忽盡鬻其家產得錢推與所知親故人皆笑之及兵興富家皆被掠瓚獨扁舟箬笠往來湖泖間人始服其先

見有清閟閣遺稿有陳栢者被命監鑄祭器來杭州瓚慕其名張燕湖山聞魏米百石桶命從者舉豆觥引

後樂悉分散之顧贊曰自在京時聞
熟爾名蓋以未沽之也遂絕不與交

黃公望字子久常熟人幼習神童科通百氏說旁曉諸藝酷好
漢唐以來筆墨善畫山水師董巨源運思落筆氣韻流動晚年
變其法自成一家山頂多巖石別出人意表後至元申江浙廉
訪使徐琰辟為書佐以罪逃去為黃冠教授吳越間談儒墨黃
老以口辯屈人更名堅號一峯每作一圖輒廢寢食忘應對又
自稱大癡道人放浪江湖年八十餘卒有畫訣傳世華亭張申
字子正山水師其筆意往往神肖亦善墨戲

王蒙字叔明吳興人家住黃鶴山下故號黃鶴山樵趙孟頫甥
也能詩文不尚矩度頃刻數千言可就畫山水得外氏法秀潤
可愛亦偶作人物瀟灑大雅生平不用絹素惟於紙上寫之其
得意之筆常用數家皴法山水多至數十重樹木不下數十種

徑路迂迴烟霧微茫曲盡山林幽致後官泰安知州廳事後有

樓而泰山蒙張絹素于壁興至捉筆三年而圖成有陳汝言者
夙善詩畫一日過訪方展圖雪大作欲改為雪景而難於設色
汝言沉思良久曰得之矣為小弓夾粉筆張滿彈之儼如飛舞
蒙遂叫絕題曰岱宗密雪圖蒙與汝言皆不得其死

吳鎮字仲圭嘉興人性高介隱居不仕工辭翰尤善畫山水竹
石亦喜作墨花每題詩其上當時稱為二妙有勢力者求之多
不得惟好贈貧士使取直焉晚年愛梅白稱梅花道人未歿時
嘗自題其墓曰梅花和尚之塋

華光仁老性癖愛梅其方丈列植數本每花放時吟咏其下月
夜見窗間疎影橫斜輒用素張之以筆規其狀凌晨視之殊有
月下之思因此得其三昧標名一時著有口訣取象一丁二體

三點四向五莠六枝七鬚八結九變十種諸論傳世每寫時必

焚香禪定意適則一掃而成其披風帶露諸作尤為人所稱賞

圖繪寶鑑載朱德潤字澤民吳郡人官征東儒學提舉唐棣字

子華吳興人官休寧縣尹劉融字伯熙蘇州人官秘書卿沈麟

吳古松俱杭州人畫山水並學郭河陽其合作者神似自然

老人善墨竹學樂善其名州人劉敏字有功宣德人賜號不

號年豐老人正之門人也有嵐烟夕翠圖傳世李潤字士弘

號員嶠真逸河東人官集賢學士墨竹宗文湖州李潤字士弘

明號橋齋道州人官行省左丞工人物山水翎毛顧安字定

之官泉州路判官胡瓚字元禮官衡州路同知趙鳳致並佳

人又云靜華翁官湖廣宣慰使作墨竹長竿勁節風致並佳

宋敏支叔義未梅間俱善花竹劉貫道字仲賢中山人工畫

道釋人物鳥獸集古諸家之長至元十六年寫裕宗御容稱旨

補御衣局使杭州為寫神第一手其子芝田能世其業御容稱旨

字思善杭州人長於小像與金陵潘桂名並一時楊說巖畫

道釋尤工寫觀宋嘉禾好為利市仙官和尚骨格態度俗工

莫及趙清澗許擇山工人物士女何大夫人馬虞集詩

云國朝畫手何大夫親臨伯時閣馬圖王仲元專門花鳥尤

善繪小景楊月湖兼畫龍虎馬虛中好作山水吳梅溪

善工花鳥雜技

成墨竹學王庭筠 韓 焦善甫工花竹人物尤喜寫山水學武元

直墨竹學樂善老人 趙昌 謝顯劉廣之墨竹宗員大夫 謝佑

之善作折枝傅色傲趙昌 謝顯劉廣之墨竹宗員大夫 謝佑

南有郭敏字伯達畫人物山水喜式元直師其意花竹墨竹亦

臻神境官至州倅 田衍字師孟墨竹學黃濬游 山左有柴慎

安嘗為仁和縣尹畫花竹禽鳥得飛鳴翔集狀 雲甫號中隱

字君正號適齋善寫山水不習而工 信世昌字雲甫號中隱

山學沈士元有畫藍之譽墨竹別成一 家蓋黃華之有佳致

廣山商錄

卷三十六

三

其飲味以資筆意 溫日觀西湖瑪瑙寺僧喜畫蒲荷其枝葉
鬚梗皆具草書法 嘉興有盛懋字子昭畫山水人物花鳥始
學陳仲美稍變其法 精緻有餘 吳龍字榮之能作窠石墨梅
粵揚補之 多逸趣 周堯敏字禹卿號學山風竹宗文湖州時
有竹趣能綴 紹父業 沈雪好寫竹學丁子卿深悟筆意子泰之
號竹趣有張文樞字石隱幼嘗為僧山小學巨然亦善竹 樓觀
體字士元山水師李成 孟玉潤姚彥卿吳庭暉畫青綠山 徐
花鳥多極精密 浙東有王迪簡字庭吉號叢隱喜作水仙
王英孫字才翁作墨竹 蘭蕙雅潔不凡 俱越州人 姚雪心天
台人作墨竹 宗文湖州 顧輝字秋月 俱越州人 姚雪心天
夏廸字簡伯善山水竹石 趙雲巖喜作花鳥設色有法亦善
墨戲俱溫州人 蜀中有劉夢良畫梅宗楊補之 趙天澤字
鑑淵好畫梅竹 華岳善寫山水楊載詩云華岳能詩世有名
學畫丹青亦疎放 霍元鎮筆意規模輩北苑米南宮父子
朱裕字敏道李神字用之 畫法並師李成 陳立嘗畫龍眠山
關漢卿解州人工樂府著北曲六十本世稱宋詞元曲然詞在
唐人已優為之惟曲自元始有南北十七宮調相傳當年取士
有填詞科主司定題目并限曲名及韻其賓白則伶人自為之

一時文人才士輩所撰雜劇計五百四十九種皆精審於字之

陰陽韻之平仄可以被管絃協律呂為太平勝事又曰昇平樂

涵虛子曰元羣英樂府各有其目馬致遠漢宮秋等十三本如
柳等九霄白仁甫梧桐雨等十七本如朝陽鳴鳳李壽卿臨岐
費唐臣脫黃州等三本如三峽波濤宮大用托公書等六本如
西風鵬鴉王寶甫西廂記等二十二本如花間美人張鳴善瑤
琴怨等二本如彩鳳刷羽鄭德輝細柳營等二十本如香漢晴
雲鄭庭玉送寒衣等十一本如麗春園等三十五本如吉甫蘭昌宮等十
六本如奇峰插天高文秀麗春園等三十五本如吉甫蘭昌宮等十
仲文五丈原等十本如劍氣騰空李文蔚魚鱗傳情等十本
如開雲出岫楊巖之瀟湘夜雨等十本如玉簫橫秋趙文寶七
德舞等六本如藍川美玉紀君祥松陰夢等八本如雪裏梅花
吳昌齡辰勾月等十五本如庭草交翠范子安竹葉舟等二本
如空谷鳴泉武漢臣玉壺春等十二本如遠山疊翠于伯淵珍
珠旗等六本如新柳黃鸝李直夫虎頭牌等十三本如梅邊月
影雕景臣千里投人等三本如鳳管秋聲金志甫西湖夢等八
本如西山爽氣秦簡夫玉溪館等四本如峭壁孤松沈和甫瀟
湘八景等六本如錦屏孔雀石君寶曲江池等十本如羅浮雪
梅石子章竹牕雨等二本如清風爽籟戴善夫翫江樓等五本
如老蛟泣珠尚仲賢柳毅傳等十本如花獻笑王子一楚岫
雲等四本如長鯨吸川谷子敬城南柳等三本如岷山片玉當

時前稱傑構惜其人本末無考 按臧晉叔曰元以曲取士設
 十有二科其說甚為無據自至元八年設國學出策題試問所
 對精通者為中選皇慶二年制科舉第一場蒙古色目人試經
 問五條漢人南人經疑二問經義一首第二場蒙古色目人
 策一道漢人南人古賦詔誥章表內科一道第三場漢人南
 人試策一道皆用經書時務為題並無詞曲一項此明證也
 夏文彥字士良由吳興徙雲間好古嗜學尤篤愛繪事家藏翰
 墨最富當時賞鑒家隨其甲乙以定高下無毫髮爽乃自史皇
 封膜而下訖於有元刊元補闕釐為五卷名圖繪寶鑑
 麥宗麗江麼步人生七歲不學而知文字及長徧通外番諸種
 書契下及禽鳥語或聞鈎輈格磔之聲能道其呼鳴之故試之
 輒驗滇中稱為異人子良從征大理有功授副元帥世鎮其土
 冊曰書列六藝畫奪神工出來學者不厭旁通填辭小道
 一代宗風詎曰末技紀可無庸

續弘簡錄卷三十六終

皇清詹事府少詹事仁和邵遠平戒山學

旌德一 忠節

- | | | | | | | |
|-------|------|------|------|------|-------|-----|
| 石珪 | 李伯溫 | 附守正 | 耶律忒末 | 子天 | 攸興哥 | 任志 |
| 梁直膺魯華 | 抄兒 | 杭忽思 | 阿散真 | 庫祿滿 | | |
| 鄭義 | 扎忽帶 | 張萬家奴 | 月里麻思 | 附唐 | 楊傑只哥 | |
| 趙阿哥潘 | 趙匝刺 | 伯八兒 | 鞏彥暉 | 合刺普華 | | |
| 綦公直 | 劉天孚 | 蕭景茂 | 周鏗 | 附謝 | 聶炳 | 附明 |
| 俞述祖 | 丑問 | 附馮 | 闕文興 | 野峻台 | 字羅帖木兒 | |
| 丁理牙敦 | 附上都 | 星吉 | 潮海 | 附黃 | 紹 | 李黼 |
| 泰不華 | 樊執敬 | 桂完澤 | 王簡 | 子陳 | 君用 | 彭庭堅 |
| 劉濬 | 子汪澤民 | 劉畊孫 | 褚不華 | 王士元 | 卞琛 | |

石珪泰安新秦人世以耕讀爲業體貌魁偉倜儻不羈金主遷
汴兵戈四起珪率少壯負險自保與滕陽陳敬宗結義山東宋
將鄭元龍以兵來攻珪敗之于毫陽乘勝入盱眙會宋賈涉誘
殺漣水軍統轄季先人情不安衆迎珪爲帥稱太尉太祖遣使
與宋議和珪令麾下劉順直抵壽斯于城入覲太祖慰勞順且
敕珪曰如宋和議不成吾與爾永結一家之好吾當遣汝順還
告珪心感服日夜思降未幾宋果渝盟珪棄其妻孔氏于金山
仗劍渡淮宋將追之曰太尉尙當完汝妻子珪不顧宋沉其妻
子于淮珪遂率順來歸木華黎承制授珪濟兗單三州總管後
金棄東平珪與嚴實分城內南北守之收輯濟兗沂勝單諸州
加山東諸路都元帥移治曹州與金將鄭從宜連戰數晝夜糧
絕援兵不至軍無叛意珪臨陣馬仆被擒囚至汴金主壯其人
誘以名爵欲使揖珪憤然曰吾身事大朝官至光祿復能受他
國封邪假我一朝當縛爾以獻金主怒蒸殺于市其麾下立社
兖州祀焉子天祿襲封與宋將彭義斌金將武仙戰屢捷後破
考城圍歸德從攻蘄黃皆功居首改征行千戶

李伯溫大寧義州人守賢之孫敬之子也長兄惟則官平陽征
行萬戶次伯通太祖九年錦州張致叛木華黎命擊之大戰城
北死焉伯溫行平陽元帥府事鎮青龍堡專任東征聞平陽已
陷弟守忠被執選驍勇拒守久之金兵盡銳來攻守卒多夜遁
李成開水門導敵入伯溫登堞樓謂左右曰吾兄弟仗節擁麾
受方面之寄今不幸失利當以死報國吾弟已被執我不可再
辱汝等宜自逃生卽拔劍殺家屬投井中自引刀植柱刺心而
死金兵登樓見其抱柱如生無不嗟嘆子守正幼嘗質於木華

黎後為平陽守活俘獲甚眾以功授河東南路兵馬都元帥太
 宗二年上黨晉陽合兵攻汾州將陷守正以義赴援眾寡不敵
 別遣老弱百人曳柴揚塵多張旗幟敵懼遂解去汾人持牛酒
 迎犒曰幸公完是州德甚大願奉是州以從隰州叛守正往擊
 之中矢傷足歸創甚會金將完顏合達攻平陽守正褻瘡戰歿
 大帥以其兄守忠襲金將紇石烈真襲擊平陽行營守忠出援
 次高梁師潰入城副帥夾谷常德潛獻門納金兵城遂陷守忠
 被執械至汴誘使降守忠罵之語惡金人怒置鐵籠中火炙死
按李守賢傳云金大安初守賢暨兄庭植弟守正守忠從兄伯
 通伯溫歸款于木華黎太祖即命庭植為崇義軍節度使守賢
 為錦州觀察使守忠為都元帥守河東是伯溫與守賢守正皆
 兄弟而本傳云伯溫為守賢之孫毅之子且以守正為伯溫之
 子外諺實甚即其年與事考之有不待辨而自明者
 耶律忒末契丹人父兀哥仕遼為都統遼亡不屈節天婦俱死

金主憫其忠授忒末為都統太祖九年金主徙汴忒末以其子
 天祐率眾三萬來歸授帥府監軍從元帥史天倪略趙州平棘
 欒城元氏栢鄉贊皇臨城等縣又從太師木華黎收邢洛磁相
 懷孟諸州有功授洺州元帥引兵臨澤潞降其民六千餘戶進
 河北西路安撫使致仕居真定天祐襲職金降將武仙據真定
 叛殺天倪忒末父子夜踰城出會天倪弟天澤還自北京遇諸
 滿城合諸軍南與賊戰遂復真定朝命以天祐鎮趙州仙復犯
 真定忒末與其妻石抹氏及家孥之在真定者皆陷仙遣其僕
 持書誘天祐曰汝能誅趙州官吏以降當活汝父母不爾盡烹
 之忒末密令其僕語天祐曰仙賊狡猾汝所知也毋以我故墮
 其機奔以虧忠節且忠孝難兩全汝能固守不失國家大計我
 甘刀鋸如飴矣天祐慟哭以賊書示天澤并述父言天澤曰王

陵之事照耀史冊汝能遵父命忠誠許國功不在王陵下天祐
乃趨還趙壁率衆殊死戰仙怒盡殺其家一十八人及戰仙兵
屢挫監軍張林密構仙黨啓關納賊天祐倉皇巷戰身被十餘
創斬關出會天澤兵夾擊殺林加趙州安撫使以傷憊解官卒
冊曰子之能仕父教之忠死雖慷慨氣自從容機非寧路
刀鋸如飴一十八人盡節無虧

攸與哥渤海人世農家好武斷鄉井金末避地大寧會蒙古兵
至出保高州富庶寨射獵以爲食木華黎率兵攻寨寨破奔高
州及兵圍城下令曰能斬攸與哥首以獻者受上賞民皆獲生
守者名謂曰汝奇男子吾寧忍遽斷汝首汝其往降乎不則一
城生靈無噍類矣與哥乃折矢出降諸將怒欲殺之木華黎曰
壯士也留之爲吾用俾隸麾下從攻通州一夕造巨礮雲梯各
數十附州城州將懼乞降以功太祖賜名哈剌拔都魯從略燕
南爲先鋒至大名金將登城督戰與哥射之中左目其部將開
門南奔追殺殆盡授河東北路兵馬都元帥鎮太原時太原新
破至則下令軍中凡俘獲人口有親者聽贖無贖者官爲贖民
得完聚者衆旣引兵援隰州金將乘虛擣太原西門俘獲其妻
子與哥聞之徑趨西門奪之還時太原諸邑皆平唯石家昂及
孟州陵井寨忻州清泉寨爲唇齒未下與哥兵將至陵井遣卒
叩寨門詐曰納糧芻守者弗悟門啓竟入衆驚潰二寨遂平會
姦人夜獻太原東門於武備仙引兵入諸將自城外呼曰與哥
當早出對曰真定史天倪平陽李守忠隰州田雄皆失守矣我
又棄太原將何面目見主上乎家屬任公等俘吾誓與城同存
亡遂歿于陣

任志潞州人木華黎略地潞州志首迎降俾充元帥收輯山寨每與金兵戰輒勝金擒其長子如山以招之曰降則爾子得生不則死志曰我爲大朝之帥豈愛一子親射其子殮之木華黎嘗召諸將議事志亦預名道經武安其縣已反志死之其子存襲元帥職金將武仙攻潞州存亦戰死詔有司廩給其妻孥仍賜第居之世爲潞州長官

梁直脂魯華蒙古克烈氏初以所部從太祖征乃蠻西夏有功下金桓州掠監馬萬匹軍勢大振已破遼東西諸州唯東京未下獲金使遣往諭之魯華曰東京金舊都備嚴而守固攻之未易克以計破之可也請易服與其使偕往說之彼將不疑俟門啓繼以大軍則事濟矣卒如其計後徇地河北攻大名中流矢卒子撒吉思卜華嗣將父軍金徙都汴立河平軍于新衛以白岡恃爲北門攻之不拔太宗自白坡濟河而南皇子拖雷由峭石灘涉漠而北上華渡白河陰至鄭金主勢窮出奔師遂入據之金主自黃陵岡渡河謀復汴與金將白撒戰于白公廟五日夜俘斬萬計金主竄歸德卜華躡其後薄北門而軍左右皆水金將夜砍營入腹背受敵一軍皆陷太宗命大臣料民分封功臣卜華妻楊氏自陳曰吾舅及夫皆死國事而賞不及何以爲勳惠者勅乃賜新衛民二百戶

抄兒阿速氏世居汴梁陽武縣從太祖收附諸國有功繼從伐金歿于陣子抄海從征河南山東亦歿于陣子別帖將父軍從皇子忽哥赤西征大理復歿于陣子阿必察至元五年授蒙古千戶從圍襄陽既渡江奪陽羅堡以功進蒙古軍總管管領左右翼兩萬戶軍旣下廣德從平章阿里海牙征海外諸國鼓戰

船進奪岸口亦卒于軍四世皆以身殉國云

杭忽思阿速氏主阿速國太宗兵至其境率眾降遂命守本國

尋命選阿速軍千人及其長子阿捨赤扈駕留宿衛遣杭忽思

還國道遇敵兵戰死敕其妻外麻思領兵守國外麻思躬擐甲

胄平叛亂以次子按法普嗣國阿捨赤從憲宗征西川軍釣魚

山屢敗宋兵阿里不哥叛從征至寧夏與叛軍遇率先赴敵矢

中其腹不懼又從征李壇二十餘戰累功授千戶同捨不台領

兵南征下五河口沿江諸郡戍鎮巢軍宋降將洪福以計殺之

世祖憫其死特賜鎮巢降民千五百三十九戶命其子襲職宋史

新編云洪福本夏貴家僮積勞知鎮巢軍貴既降元遣人招之

福不聽貴誘誘殺之又云元兵南下鎮江降福時陷城中諱以

計復鎮巢或破陷而後自拔出者耶按

舊史阿捨赤另有傳事亦皆同係重出阿散真阿速氏初憲宗以兵固阿兒斯蘭之城其父名阿爾思

蘭者借阿散真迎謁軍門帝賜手詔命專領阿速人且留其軍

之半餘悉遣還俾鎮本境以阿散真備宿衛道遇闊兒哥叛軍

力戰死之帝遣使襲其屍還葬阿爾思蘭請曰臣長子死不能

為國宣力有次子捏古來願陛下用之此至帝見其驍悍命從

征烏蠻屢建功後從伐宋中流矢亦死于軍

庫祿滿遼人本述律氏後訛為石抹氏祖石抹也先一作石抹阿辛當

太祖時為北京達魯花赤戰死蓋州父查刺兼真定達魯花赤

事詳功臣傳 庫祿滿早歲襲父職與從弟度刺皆英勇善鬪領舊所

號黑軍者盡勇猛士每戰必居前鋒奔突敵壘為諸軍倡憲宗

時從攻襄樊創立雲梯大呼先登度刺為守陴者所殺庫祿滿

憤不顧身奮長戈衝其堞城遂破中統二年李壇反從攻濟南

主帥素壯其勇令先登飛矢中額如蝟遂死城下按元本第一

石抹也先傳并載其子查刺而一百五十二卷又

作石抹阿辛傳音字相訛以致重出今刪去前段

鄭義河間人少以材勇稱性豪俠好結客初事太宗為山東路

都元帥兼景州軍民長官從伐金戰于歸德死焉弟德溫襲從

攻徐州冒刃陷陣而死弟江代畿輔志作子澤江皆有戰功顯於時世祖北征授

武衛親軍都指揮使至元八年從攻襄陽亦歿于陣

札忽帶蒙古人祖字罕太宗時為鎮西行省領軍徇河中潼關

秦鞏諸城授左翼萬戶從都元帥塔海紺十出征歿于陣父忽

都襲憲宗南征從畧巴州渡馬湖江破宋兵于老君山下至元

初授蒙古漢軍總管從都元帥百家奴攻宋淮西卒軍中札忽

帶嗣為千戶從取重慶宋守將張珪遣勁旅數千出挑戰札忽

帶力擊破之大軍圍瀘州數月未下軍中糧盡札忽帶俱勇登

城與瀘兵搏戰死

張萬家奴父札古帶為河東南北路船橋隨路兵馬都總管

戶從西征下興元關嘉定歿于軍萬家奴入朝世祖授以父官

從攻瀘州大敗宋軍殺傷過半繼攻重慶破朝陽寨圍嘉定柵

平康泰和懷遠諸寨分兵戍守時諸將攻瀘州失利乃請關請

自在以攻取之效遂率舟師百五十艘自桃竹灘至折魚灘分

守江南約日進攻先據神臂門為梯衝登城斬關入遂拔之既

討平西南夔進副都元帥將四川兵征烏蠻時雲南諸蠻皆叛

殺掠人長州郡莫能制遂以兵勦其衆至元二十年詔從征緬

賊死雲南王命其子保童將父軍再征緬人太公城有功襲副

都元帥後出師至甘州山丹城亦戰死

剛曰英英諸公累世殉國不媿將門忠孝兩得彼有懦夫

臨鋒辟易胡不觀斯翁有生色

月里麻思乃馬氏初太宗命與斷事官忽都那同署後同阿朮魯克達魯花赤破南宿州太宗十三年使宋議和從行者七十餘人月里麻思曰吾與汝等奉命南下楚人多詐倘遇變當死毋辱君命及馳抵淮上宋將以兵脅之曰爾命在我生死頃刻間若能降官爵可立致不則必不汝貸月里麻思曰吾持節南來以通國好反誘我以不義有死而已言辭慷慨守者知其不可奪乃囚之長沙飛虎寨三十六年而歿世祖深悼之官其子忽都哈思日給糧食其家至元十八年忽都哈思以招討使將兵征日本死于海 同時有唐慶者太宗命爲國信使往金令黜帝號稱臣金主不聽慶以語侵之夜平金飛虎率中處等人館舍殺慶及其弟山祿典祿并從行者十七人

問曰卿命出使貴在不辱慮於未然臨事可復辭不禮要

威不能屈方之子卿歷年猶速

楊傑只哥燕京寶坻人世業農小有勇略太祖略地燕趙率族屬來降從攻遼左及定西夏諸國有功太宗元年遷攻信安城四面阻水其帥張進久不降傑以計曰彼恃已浸我師進不得利退不得歸不若往說之進見其來怒曰吾已斬二使汝不懼死邪傑只哥從容言曰今齊魯燕趙地方數千里郡邑聞風納欵獨君恃此一城內無軍儲外無援兵亡可立待爲君計不如請降可以保富貴而免死亡進默然曰姑待之凡三往乃降師次徐州阻河不得濟傑只哥偵知有賊操舟伏草澤中夜率勁卒憑河擊之奪其舟衆畢渡獲河南諸郡降人三萬餘戶進攻州城金將安國用拒戰傑只哥率騎突入陣中截擊大敗之復從阿朮魯攻歸德扈諸將縛草作筏渡濠抵城下梯城先登拔

之諸軍由是進攻得五州十縣宋兵至已登歸德城傑只哥拒戰敗走之率舟師追擊轉戰中流溺死

趙阿哥潘土波鬼烏思藏撥族氏始附宋賜姓趙世居臨洮富甲諸羌父阿哥昌仕金官熙河節度金亡以衆來歸皇子闊端鎮西土奏授疊州安撫卒于官阿哥潘從憲宗伐蜀以破大安功最授同知臨洮府事斬朝天關乘嘉陵江至閬州攻利州敗宋師于潼川擊宋制置使劉雄飛于青居山進逼成都略嘉定平峩嶺太平寨大小五十餘戰皆身先陷陣中統建元還鎮臨洮歲饑發私廩以賑貧乏給民農種粟二千餘石蕪菁千百石柳當孔道傳置旁午以私馬充驛騎出牛羊千口代民輸世祖聞之詔京兆行省酬其直辭曰豈敢以私惠邀公賞卒不受以軍事赴青居山道爲宋兵所邀不屈死賜諡桓勇

趙匡刺未詳何處人始以父爲千戶世祖中統三年守東川宋夏貴以兵侵虎嘯山元帥察遣匡刺率兵往禦貴敗走宋劉雄飛以兵犯青居山匡刺與戰于都尉壩敗之從攻大良坪宋督萬壽運糧至渠江之鵝灘匡刺邀奪之宋兵大敗匡刺亦被三創矢鏃中左肩不出元帥惜其驍勇取罪囚二人封其肩視骨節淺深知可出卽鑿其創救鏃出之神色不稍動至元中爲東川路先鋒尋兼京兆延安兩路新軍戍東安虎嘯山兩城宋楊立以兵護糧至匡刺率所部兵戰于三重山立敗走棄糧千餘石盡收其甲仗旗幟而還從攻釣魚山之沙市匡刺乘夜蟻附而登殺守兵燒其積聚又擊敗宋將張珪兵于武勝軍旣率舟師圍重慶宋將趙安勒兵出戰匡刺迎擊夜二鼓敵衆大潰行院上其功未報而疾作乃遣往瀘州治疾瀘州復叛匡刺

輿疾出戰為所獲與從者二十人皆死之

伯八兒合丹氏祖父從太祖征伐皆有功世祖即位以伯八兒為舊臣子擢萬戶命領諸部軍屯守欠欠州至元十二年親王昔里吉脫鐵木兒叛奔海都伯八兒以聞且願提兵往討未得命為彼所襲死焉脫鐵木兒取其二子八刺不蘭奚分置左右居歲餘八刺陰結其近侍圖復仇謀泄南奔追執之詰曰我遇汝厚甚願汝反為逆邪八刺曰汝背叛君上害我父掠我親屬我豈欲殺汝以報君父仇今力窮被執從汝所為不稍屈以鐵槌碎其膝終不跪與弟不蘭奚同被害

華彥暉易州人與兄彥榮俱以武勇稱初彥榮以百夫長隸于戶何伯祥麾下累有戰功後請老以彥暉代伯祥奉命南伐彥暉從破棗陽光州繼拔滁壽二州已攻泗州諸將夜集城下為

壘水所阻黎明無敢渡者兩軍交鋒如雨彥暉披重甲徑渡衆隨之至晡得其外城尋登其月城彥暉將下顧伯祥失所在乃反求之敵追襲彥暉力戰翼以出兵次武昌宋援兵四集有舟數十來挑戰彥暉逐之入湖中伏官被圍數匝左右莫能近彥暉矢盡身被重傷度不免遂投水敵援之出載詣江州見宋官不庸問以事不對竟死

合刺普華回鶻人伯父為其國相上歸太祖父岳璘帖木爾多戰功授河南軍民都達魯花赤所有上方賞賚悉輦歸故郡散親友且盛陳漢官儀衛以激厲之國人多相率來附合刺普華幼侍母舅敦氏居益都嘗嘆曰幼而不學有不墮吾宗者乎父聞而奇之俾習經史記誦精敏世祖中統二年李璫叛其母攜季子脫烈普華避地登萊間音問隔絕號泣徹晝夜繼從叔父

撒吉思平賊卒奉其母歸撒吉思深器重之言於世祖名給宿衛嘗以事至益都於四脚山下置廣興商山二冶以勞授商山鐵冶都提舉未及代以職讓其弟時大兵南伐餽運繁興被選為行都漕運使江南平上疏言祝宗室禮大臣以存國家之體典學校獎名節以勵天下之士正名分嚴考課以定百官之法通泉幣卻貢獻以厚生民之本又言江南新附宜招舊族力稽通商弛征薄入以撫馴其民不則恐上煩宵旰之慮帝多采用其言時阿合馬專政以漕糧漂溺耗責償舟人合刺普華代闕抗言量之奇贏出於元降而水道之虞非人力所及料且彼雖營家不足償苟朝廷必不任虧損臣請獨當其辜詔勿治阿合馬衛之出為寧海路達魯花赤歷改廣東都轉運鹽使劇賊歐南僭偽號聚眾至十萬合刺普華與宣慰使白佐分兵搤

之未幾右丞唆都督兵征交趾屬護倫道北至東莞博羅界遇歐賊橫絕石灣鋒銳甚合刺普華且戰且行矢竭馬創徒涉格鬪為所執賊欲奉為主不屈遂遇害贈戶部尚書謚忠愍軍中往往往見其乘雕督戰云孫俛哲篤第進士官吏部尚書以文學政事稱於時語見呂思誠傳蓋公直益都樂安人世業農至元九年為沂莒膠寧海五州都城池所千戶督造征日本戰船于高麗時宋未下世祖知其勇遣使召見俛領兵同行荆南招討司事抵峽州青草灘霖雨不進還屯玉泉山率兵三千攻安進下寨破之及襄陽下命領鄧州光化唐州漢軍及鄂復熟券軍九千人從諸軍南伐至江西宋軍突出逆戰公直敗之追抵城下遂踰濠焚其樓櫓隆興降已令第三子忙古台攻梅關破淮德山寨入廣東至南海皆

續通志卷三十一
下時伯延伯答罕禿忽魯叛于西夏公直率軍討平之累授萬戶將屯肅州兵移鎮別失八里之地諸王海都叛侵別失八里公直進戰洪水山敗之追擊漸遠援兵不至第五子瑗力戰死公直與妻及忙古台俱陷於敵

冊曰臨陣爭雉死生呼吸破飛矢流欲避不及懦夫貪生士卒喪氣奮勇陷敵寧非節士

劉天孚字裕民大名人由中書譯史歷知許州許屬襄城與葉縣接壤其南爲湛河襄民食滄鹽葉民食解鹽刻石河南岸爲界葉令有貪者陰徙石於北二里誣其民食私鹽逮治百餘家兩縣鬪辨不已天孚爲考其原界移石故處而葉令被罪去歲旱蝗天孚令民出捕俄羣鳥來啄蝗爲盡及秋麥熟時有青蟲如蠶食麥民相視愁歎忽生大華蟲盡嚼之許人立碑頌其事

仁宗延祐中遷知河中府視事甫兩月會周王和世琜出鎮雲南道經陝西行省丞相阿思罕意不平謀舉兵向闕先入河中坐府治方號令諸軍天孚佩刀直前衆過之不得進顧謂幕僚曰吾家本微賤荷朝命至此今不幸遭大變何忍從逆而負上恩哉且與其辱於逆賊之手吾寧蹈河以死遂拂衣出時天寒河水方堅天孚拔所佩刀斫冰開北望再拜已脫衣帽岸許竟投水中死追贈彭城郡侯諡忠毅

蕭景茂漳州龍溪人性孝友家貧力農以謹厚信於鄉里後至元四年南勝縣民李志甫作亂掠龍溪景茂與兒佑集鄉丁拒之據觀音山橋險與賊戰敗被執賊使拜曰汝賊也何拜欲脅之降曰國家何負汝而反汝族汝里何負汝而坐累之我生爲大元民死作隔州鬼豈從汝爲逆者

隔州其所居里也

賊相語曰官軍

將吏至我寨皆慙靡求生未有若此倔強者留之祇取辱耳遂縛於樹斃其肉使自啖景茂且嚼且罵賊以刀決其口至耳旁尚罵不絕聲而死朝命褒之仍給錢以葬

冊曰人生天地數豈能逃三日寒疾死等鴻毛視彼俠烈

泰岱爭高慷慨赴義萬古為昭

周鏜字以聲瀏陽州人篤學通春秋登泰定四年進士官大冶縣尹抑豪強惠犖獨鏜狀若虺儒而毅然有威不可犯會修功臣列傳擢國史院編修官出為四川儒學提舉便道還家至正十一年羅田徐壽輝盜起號紅巾攻陷蕪黃諸郡瀏陽無城守盜至民皆驚竄鏜告其兄弟使遠引自謂我愛國恩脫不幸必死毋相累也賊至得鏜欲推為主鏜唯瞻目厲聲大罵賊知不可屈殺之 同州謝一魯字至道鄉貢士為石林書院主賊

陷潭州一魯奉母走匿岩谷聞官兵復郡邑亡者稍歸乃還環故業俄而賊復至生縛之一魯罵賊甚厲舉家皆遇害

聶炳字韞夫江夏人元統元年進士授同知平昌州事至正十二年遷知荆門州纔半歲紅巾賊至荆門不守炳出募士兵得衆七萬復其城又與四川平章咬住恢復江陵縣既而賊勢復振偽將俞君正合兵來攻炳率孤軍晝夜血戰援絕城陷被執極口罵不絕賊以刀抉其齒盡乃支解之 時有明安達爾字士元唐兀氏炳同年進士也為潛江縣達魯花赤賊至率勇敢拒之立營蘆洲比城陷鬪死舉家殲焉

俞述祖字紹芳慶元象山人由翰林書寫授國史院編修出為沔陽府推官至正十二年蕪黃賊丁普郎陷武昌進攻沔述祖領民兵守綠水洪并力捍禦相持十餘日力不支為賊所執械

至僞主徐壽輝所誘之降子方五歲亦被縛曰不降將殺是述祖厲聲曰我躬不闕遑卹我後何不速殺是賊殺其子述祖謾罵不已遂支解之追贈象山縣男錄其從子爲後

丑閻字時中蒙古氏登元統元年進士第累官京畿漕運副使出知安陸府至正十二年徐壽輝僞將魯法興犯安陸時丑閻募兵得數百人帥以拒賊敗賊前隊乘勝追之賊自他門入亟還兵城中火起軍民潰計不可遏乃歸服朝服出坐公堂賊至排之下使拜不屈且怒罵賊首不忍害拘之明日又逼其從亂丑閻疾呼曰吾守土臣寧從汝賊賊怒以刀斫其左脇斷而死復取布囊盛其屍昇置其家妻侯氏出大哭且列酒肉滿前渴者令飲饑者令食以給賊使不防已至夜自經事聞贈丑閻河朔行省參政侯氏寧夏郡夫人表其門口雙節 有馮三者胡

廣省役卒也素不知書省署遭寇陷皂隸輩悉起鬪殺爲公曰此三同行辭曰賊名惡我等豈可爲衆強之終弗聽怒將殺之三遂唾罵賊乃縛諸木昇以行而刳其肉三益罵不止抵江上斷其喉委去其妻隨三號泣俯拾封肉納布裙中伺賊遠收其血骸脫衣裹之投江死

閻文興建康人嘗從軍漳州爲招討司知事漳州陳吊眼盜起有衆數萬連營五十餘寨元帥完者都遣文興討之賊乘高據險人莫敢進文興募薪焚其營多斬獲賊走入畚洞已擁衆攻漳州文興竭力捍賊身經數十戰死于陣妻王氏被掠義不受辱乃給賊曰俟吾葬夫後卽汝從也賊許之得脫負屍還積薪焚之火旣熾氏自投火中死元統二年封文興爲英毅侯王氏爲貞烈夫人廟號雙節

列女傳載王
氏作王魏醜

冊曰臣死為國妻死為夫綱常已任聖賢之徒匹休合節
同心共孚出於巾幗尤足立誓

野峻台

志作趙野字峻台

雍古部人中書右丞趙世延子也由西臺御

史轉黃州路總管湖廣既陷朝廷察其材擢四川叅政命與平章咬住同討賊咬住軍五千人乃分銳卒八百使將之為前驅
攻克巴東時歸峽等州皆為賊守野峻台破賊江上斬溺無算
已而歸峽平進拔枝江松滋乘勝趨江陵賊出陣清水門鏖戰
至夕賊方退乃據其門埃援軍至黎明賊出戰三時頃咬住軍
止百步外不救賊飛槍刺之死追封涼國公諡忠壯

李羅枯木兒字國賓高昌人山宿衛補官選為襄陽路達魯花赤
至正十一年汝穎盜起鄖縣人田端子等亦聚眾殺官吏李羅
羅將民兵捕斬之十五年徐壽輝兵陷襄陽李羅領義兵二百

且戰且引前赴沔陽乞師得五千人乃進還襄陽賊力駐楊
湖港乘其不虞擊之獲船二十七艘進次潛江兵未食而賊大
至與戰抵暮被重創急麾兒子馬哈失力使去曰吾以死報國
汝無留此兒子泣曰願以死從既而李羅被執罵賊遇害馬哈
失力帥家奴求其尸復與賊戰歿于陣舉家死者二十六人

牙理

北庭人官山南道廉訪使治中興地為江漢藩屏每

按臨所部威惠翕然至正十二年勦賊犯中興十理牙敦引挽
強士禦之射賊多死賊稍却明日復擁眾來襲東門力戰被執
不屈死又明日賊且奄至前中興判官上都統兵出擊之既而
東門失守倉皇反鬪力屈亦被執誘使降上都大罵賊怒剗其
腹而封其肉

星吉字吉甫河西人少給事仁宗潛邸以精敏稱英宗至治初

授中尚監改右侍儀使累遷南臺御史大夫時承平日久內外
玩愒星吉獨持風裁湖東僉事三寶任儒者也性廉介所至搏
貪猾御史有以私請者每拒不納因誣以事劾之章至星吉怒
曰若人之廉孰不知之乃敢爲是言邪卽奏杖御史而白其誣
執政者惡之移湖廣平章威順王歲出獵病民又起廣樂園多
萃巨賈網大利星吉至謁王王啟左扉召之入星吉引繩牀坐
王中門大言曰吾受天子命來作牧非王私臣安得由不正之
道入闈者懼入告王王命啟中門旣入責王曰王帝室之懿古
所謂伯父叔父者也今德音不聞而騁獵宜淫賈怨於下恐非
所以自貽多福也王急握手謝紅巾盜起會僚屬計事或曰有
鄭萬戶老將也宜起用之星吉乃命募土兵完城池修器械悉
以其事屬鄭賊遣其黨二千來約降星吉與鄭謀曰此詐也然
御降不可宜審而受之及期果得其情盡戮焉械渠魁數十人
以俟命俄有旨召爲大司農同僚受賂賂且嫉其功因誣鄭罪
而釋其所械者明日賊大至內外響應武昌遂陷時至正十二
年正月也星吉旣入見具陳賊始末狀帝大喜時宰不悅奏爲
江西平章令守江州時江州已陷賊將趙普勝據池陽太平間
官軍止三百人賊號十萬衆皆欲走星吉曰畏賊而逃非勇也
坐而待攻非智也汝等皆有妻子財物縱逃其可免乎乃貸富
人錢募兵衆爭赴一日得三千人具舟直趨銅陵克之進攻白
馬灣賊大敗分兵躡之抵白溜奪船六百艘軍聲大振遂復池
州命諸將分道討賊復石埭進據潯水灣伺者告賊艦至上
流順風舉帆衆且數十倍諸將失色星吉曰無傷也風勢盛彼
倉猝必不得泊但伏橫港中偃旗以待俟過而擊之無不克矣

風怒水駛賊奄忽過乃舉旗張帆鼓譟薄其舟風反爲我用又大破之時賊久圍安慶聞信遽燒營去遂由湖口克江州留兵守之命王惟恭柵小孤山星吉自據鄱陽口綴江湖要衝圖恢復時湖廣已陷江西被圍淮浙亦多故卒無繼援者日久糧益乏士卒咸困或曰東南完實盍因糧以圖存星吉曰吾受命守江西必死於此衆莫敢復言有頃賊乘大艦四集取兼葦編大筏塞上下流縱火焚營軍力且盡星吉從子伯不華與親兵數十人死焉星吉猶坐不動忽流矢中其要害昏仆地賊素聞其名昇至密室至旦始獲賊羅拜饋食星吉斥之七日不復食仍自力而起北面再拜曰臣力竭矣遂絕時年五十七追卹之典無聞焉

問曰市人驅戰馭以義氣出奇制勝強敵爲避封疆之臣寧可擇地孤軍四應援師無繼大節巍然卹典曷替

潮海扎刺台氏由國子生爲靖安縣達魯花赤至正十二年勦黃賊起與縣尹黃紹同集義兵爲守禦計未幾賊兵數萬由武寧來攻紹赴行省求援道梗不得達潮海獨率衆與賊戰于象湖大破之乃起進士胡斗元共謀畫而以勇士黃雲爲前鋒拒守八閱月戰屢勝無何賊鋒益熾雲戰死潮海被圍尋爲賊所執殺于富州子民安圖襲父職屢帥衆敗賊復縣治踰年賊復至迎戰力竭賊執而副之 紹字仲先臨川人至正八年進士以求援出遇官軍護之入洪都時洪都亦被圍及圍解乃還與民安圖招諭叛境過建昌之高坪遇賊正衣冠怒罵遂爲所害斗元字元浩靖安人領鄉薦第一署鰲溪書院山長賊至斗元以鄉兵擊敗之入縣治與潮海共圖戰守及被執賊脅使降

弗屈乃以土埋其腰不死縛置暗室中斗元什牆以出逃入深山狂病而卒 黃雲撫州人素勇敢每接戰獨以身當敵嘗爲數十人所圍能奮身躍出至是身中數十鎗噴血死

李黼字子威潁州人父工部尙書守中性卞急遇諸子過嚴每一飲酒輒半月醉不解黼百計承順求寧親心不可得嘗跪而自訟無幾微厭怠意初補國學生泰定四年賜進士第一授翰林修撰歷監察御史首言禴祀烝嘗古今大祭今太廟唯二祭而日享佛祀神非禮宜據經行之成均教化之基不當隸集賢宜聽省臣兼領諸侯王歲賜有定額分封易代之際世系戚疏無成書可攷宜效先代修正玉牒皆不報命巡視河渠上言曰蔡河源出京西宋以轉輸之故平地作堤今河底填淤高出地面秋霖一至橫潰爲災宜按故迹修浚他日東河或有不測之阻江淮運物當由此分道達京師萬世之利也亦不報至正十

年出爲江州路總管明年紅巾盜起北據徐蔡南陷斬黃英掠數千里九江居下流實江東西襟喉地黼治城濠修器械募丁壯分守要害且上攻守之策於行省請兵屯江北以扼賊衝不報黼嘆曰吾不知死所矣十二年春徐壽輝兵渡江陷武昌威順王及省臣相繼遁賊乘勝破瑞昌左丞孛羅帖木兒方治軍江上聞之亦遁黼孤立辭氣愈奮厲時黃梅主簿也孫帖木兒願出擊賊黼大喜向天灑酒與誓賊遊兵俄至境急檄諸鄉落聚木石於險塞遏其歸路倉卒無號乃墨士卒面統之出戰黼身先大呼陷陣也孫帖木兒繼進賊大敗遂北二十里還謂其下曰賊不利於陸必由水攻苟久備吾屬無噍類矣乃設七星椿以長木數千冒鐵椎於杪暗植沿岸水中逆刺賊舟會西南

風急賊舟數千果揚帆順流至遇椿不得動為黼火翎箭所射
焚溺無算已而賊勢轉盛西自荆湖東際淮甸諸守臣往往棄
城走黼提屠旅中外援絕賊將薄城黼方引兵登陴布戰具賊
至焚西門乃張弩箭射之賊轉攻東門黼趨東門賊已入與巷
戰知力不敵揮劍叱賊曰殺我毋殺百姓賊自項背來刺黼墜
馬與從子秉昭俱死郡民相率具棺葬于東門外兄冕居頰上
亦死于賊秉昭冕季子也事聞封黼隴西郡公謚文忠諡立廟
江州賜額崇烈官其子秉方集賢待制黼耕錄云初武昌陷時
守臣當死此土汝可奉母往下江依伯父以存吾後秉方曰父
死國子死父有何不可黼怒曰汝不遵命是不孝也秉昭亦勸
其兄曰若不去則叔父無後不孝莫大於是某當與叔
父同死生矣秉方不獲已買舟奉母行去不半月黼死
冊曰瓦解土崩羣然泄泄良策瘋思視為迂計忠雖格天
手難挽運氣作山河奎光長巨

魏中立字伯時濟南人由國子伴讀歷官西臺御史中丞遷守
饒州紅巾賊倪文俊既陷湖廣分兵攻掠州郡所在無賴子多
乘間竊發不旬日眾輒數萬皆短衣草屨齒木為杷削竹為槍
截緝帛為巾襦彌野皆赤中立聞警即率丁壯分塞險要以義
兵擊卻之已而賊復合遂為所執以紅衣披其身中立叱之鬚
髯盡張賊載歸斬水欲屈其從已中立大罵不已遂見殺賊自
饒趨信州總管于大本以土兵禦賊賊破東門入執大本至斬
水獻俘文俊釋其縛昇偽印一紐大本擲印地上亦同遇害
大本字德中密州人由儒學教諭入官

秦不華字兼善伯岳吾氏初名達普化文宗賜以今名世居白
野山書史會要
云號白野父塔不台仕台州錄事判官遂居台家貧好讀
書能記問集賢待制周仁榮養而教之年十七舉江浙鄉試第

一明年賜進士及第授修撰轉南臺御史時御史大夫脫歡怙勢貪暴秦不華劾罷之順帝卽位加文宗后爲太皇太后大臣燕鐵木兒伯顏皆胙地分王秦不華率同列上章言嬖母不宜加徽稱相臣不當受王土太后怒欲殺言者秦不華語衆曰此事自我發之甘受誅戮不以累諸公也至正元年除紹興路總管革吏弊除沒官牛租令民自實田以均賦役行鄉飲酒禮教民興讓越俗大化尋召入史館預修宋遼金三史書成遷吏部尙書黃河決奉詔以珪玉白馬致祭河神竣事還上言淮安以東河入海處宜倣宋置撩清夫用輓江龍鐵掃撼蕩沙泥隨潮入海朝廷從其言嗣以用夫屯田其中廢八年台州方國珍依泝爲亂劫掠漕運糧執江浙參政朶兒只班迫之上招降狀朝臣後以官不肯赴勢益橫詔秦不華往察實連上剴繡之策不聽尋除江東廉訪使明年國珍復入海焚掠沿海州郡十一月二年二月詔李羅帖木兒爲江浙左丞總兵慶元以秦不華檢知賊情狀遷浙東道宣慰使都元帥分兵駐温州使夾擊未幾國珍寇温州秦不華縱火筏焚之宵遁旣而李羅密約合兵進討乃先期至大開洋國珍夜率勁卒鼓譟入官軍不戰皆潰李羅被執反爲國珍飾辭上請朝廷弗知也復遣大司農達識帖睦迺至黃巖招之國珍兄弟皆登岸羅拜退止民舍秦不華欲命壯士乘夜襲殺之達識帖睦迺曰我受詔招降公敢擅命邪事乃止時朝廷方征徐州命江浙省臣募舟師北守大江國珍懷疑復入海秦不華發兵扼黃巖之澄江遣義士王大用往約信仍使來降國珍拘留不遣以小舸二百突入海門州港犯馬鞍諸山秦不華語衆曰吾以書生登顯要誠慮負所學今守海隅

賊甫就招又復爲變君請助我奮擊其克則汝衆功也不克則我盡死以報國衆踴躍願行時國珍遣所親陳仲達往復陳其欲降狀泰不革遽率衆具舟張受降旗乘潮而前船觸沙不得行垂與國珍遇呼仲達中前約仲達目動氣索泰不華覺其心異手斬之卽前搏賊船射死五人賊躍入船復斫死二人賊舉槳來刺輒所折之俄賊羣至欲抱持過船泰不華瞋目叱之脫起奪其刀又殺二人賊攢槳刺之中頸死猶直立不仆投其屍海中年僅四十九僅名抱琴及臨海尉李輔德千戶赤蓋義士張君璧從死焉追封魏國公謚忠介立廟台州賜額崇節泰不華尚氣節不隨俗浮沉太平被劾去相位獨餞送都門外太平曰公且止勿以我累公答曰士爲知己死寧畏阨邪善彖隸溫潤適勁嘗重類復古編十卷攷正訛字於經史多有據云

樊執敬字時中濟寧鄆城人性警敏好學出國子生擢授經郎嘗見帝師不拜曰吾孔氏之徒知尊孔氏而已何拜異教爲歷官江浙參政至正十二年督海運抵平江十日將發官大安竊於海口俄有客船自外至驗其券信令人而不虞其爲寇也旣入港卽縱火鼓譟時變起倉猝軍民擾亂賊竟焚舟劫糧去執敬自咎失防心抑鬱不解及還省會徐壽輝遣僞將項普畧自饒信入昱嶺關犯杭州時執敬已被命討賊海上至是事急不得去掾史蘓友龍進曰城內空虛無備將奈何執敬曰吾淬厲戈矛當殲賊以報國不濟則以死繼之何畏哉俄報賊奄至遽上馬率衆出中塗與賊遇射死四人賊逐之又射死三人已而賊來轉盛且縱火衆皆潰賊知其無援呼執敬降執敬叱曰逆賊守關吏不謹汝得至此恨不碎汝首何爲降邪乃奮刀斫賊

因中槍而墮從僕田也先馳救亦中槍死追封魯國公輟耕錄云至正

壬辰秋七月十日紅巾自徽犯杭時執敬守宿衛于省有報已

入北關門省吏次第亡去執敬獨披甲上馬率宿衛兵急出救

從者止之執敬曰吾封疆之臣不守而去是以私利廢臣道行

至清河坊遇他走將又以兵孤且散控其馬首返執敬怒引佩

刀斫其入曰城不守何適遂躍馬逆

戰以死死之所則城北天水橋也

桂完澤永嘉人名賢錄及溫州志俱作季姓字嘗為平江路管

軍鎮撫為讐家所訴免官會賊攻昱嶺關行省遂假前官命從

征完澤勇於討賊凡再戰關下皆大勝尋又與賊鬪轉戰數里

深入重圍為所執其妻弟金德亦被擒皆反縛於樹臨以白刃

脅之降德意猶未決完澤呼曰大丈夫死即死耳不可為不義

德曰此言是也因大罵賊怒剖二人腸而死

王簡史稱王伯字伯敬濱州霑化人以材薦由烏程縣尹遷知

福寧州至正十二年轉福建鹽運同知紅巾賊起江淮撫旰

入閩憲府以時方倣擾仍留領州事未幾賊自邵武間道徧福

寧乃與監州阿撒都刺募丁壯五萬分扼險要賊至楊梅嶺立

柵簡與仲子相馳破之賊帥王善擁眾直壓州西門胥隸皆解

散麾下唯白挺市兒數百人簡射賊不反顧俄馬中流矢馬蹶

遂見執善曰聞公有惠政欲屈再尹此州簡訶之曰我天子命

官不幸失守義當死肯從汝反乎善怒叱左右搯以跪弗屈羣

毆之簡嚼舌以血噴善曰反賊殺即殺何以毆為吾民天民也

不可害官軍且暮且至百萬之師雷擊電掃汝輩小醜將無遺

種顧敢爾邪有頃賊執阿撒都刺至善厲聲責其拒鬪噤不能

對簡復唾善曰我殺賊何言拒邪我死當為神以殺汝言訖挺

頸受刃頸斷無血惟涌白沫如乳暴屍數日色不變輟耕錄云

十賊并殺阿撒都刺欲釋相官之相詈曰吾與汝不共戴天恨

不寸斬汝肯受汝官邪賊殺之妻潘氏挈二女逃民間聞變恐
 被辱母子同縊死簡既歿賊時視其引兵出入有州僧林德誠
 者奮義討賊望空嘯曰王州尹宜率陰兵助我賊遙見四面皆
 紅衣軍大懼走福寧遂平事聞追封太原郡侯名賢錄云長子
 屍蒙葬烏程朝命以植襲父爵除紹興總管張士誠陷城植亦
 不屈死 閩志云陳陽益字子謙為泉州府稅課使賊攻福寧
 州知州王簡微陽益率民兵拒賊賊
 執之脅使降陽益抗義誓賊同見殺

冊曰命官跪賊紛紛而是何獨斯人死不屈志一腔熱血
 已竭生前惟餘白沫為虹貫天

陳君用字子材延平人少負氣勇猛過人紅巾賊入閩閩闔授
 君用南平縣尹給錢五萬緡俾募兵君用散家財繼之導官軍
 復建陽浦城授同知建寧路事亡何賊圍福州君用率兵往援
 大敗賊衆遂引兵踰北嶺至連江阻水而陣君用曰今日不盡

殺賊吾不復生還乃率壯士徒涉斬殺賊稍潰既而復合君用
 大呼陷陣中槍死追封潁川郡侯諡忠毅

彭庭堅字允誠溫州瑞安人至正四年進士授同知沂州事毀
 牛皇神祠驅鄰境上馬賊免民橫急徵歛州人甚德之俄以平
 反獄囚忤上官意遂解歸十年詔選守令起崇安縣尹屢平閩
 境賊遷同知建寧路事江西寇熾庭堅率民兵克復建陽又進
 兵浦城設雲梯火礮晝夜急攻賊遁去尋拜福建道宣慰司副
 都元帥鎮邵武十四年盜侵政和松溪南臺中丞吳鐸督軍建
 寧檄庭堅至時鎮撫萬戶岳煥隸麾下煥素悍縱卒為暴庭堅
 欲繩以法煥懼使部卒乘其不備詐為賊兵突入鋒旣交衆皆
 散走庭堅獨留不去遂遇害崇安民立祠像歲時祭禱數降靈
 響旁邑立祠亦如之南臺御史余觀行部至獲賊斬之上聞追

封忠愍侯仍表其墓廟

劉濬字濟川其先興州人曾祖海金進士第一仕至河南府尹死國難子孫遂家河南濬由廉訪司書吏授連江縣寧善鄉巡檢至正十三年蘄州賊帥王善寇閩官軍守羅源拒之羅源與連江接壤勢將迫濬妻真定史氏故相家女也有才識謂濬曰事急矣盡出奩中物募壯士百餘人命仲子健將之浹旬間衆至盈萬賊尋破羅源分道攻福州濬拒之辰山三戰三捷俄聞福州陷衆驚潰濬獨率健兵進遇賊于中麻突其陣斬前鋒五人賊大至濬中箭墮馬健下馬掖父俱被獲濬忿戰手大罵賊縛之階下先斫一指罵益厲再斫一指亦如之指且盡斬兩腕次及兩足濬色不少變遂割其喉舌死健亦以死拒賊善義之使斂父屍瘞焉健歸請兵帥府以復讐弗聽乃散家貲結死士百人詐爲工商流丐入賊中夜半發火大譟賊驚擾自相屠戮健手刃其殺父者并擒善獻帥府磔之事聞授健古田縣尹爲濬立祠福州北門外有司歲時致祭

汪澤民字叔志婺源州人宋端明殿學士藻七世孫也家貧力學通諸經成延祐五年進士歷南安信州平江三路推官僧淨廣與他僧有憾久絕往來一日邀廣飲廣弟子急欲得師財潛往殺之訴於官他僧不勝考掠遂誣服澤民視其刀上有鐵工姓名名工問之乃其弟子刀也一訊吐實人驚以爲神至正三年除國子司業預修三史書成遷集賢直學士未兩月移書告老大學士曰集賢翰林實養老尊賢之地願少留以副上意澤民曰以布衣叨榮三品志願足矣遂以禮部尚書致仕既歸與門生故人相往返超然若忘世者

環谷集云時與汪克寬輩游翠微祥符諸寺賦詩爲樂

十五年斬黃賊犯宣州廉訪使道童雅重澤民日就之詢守禦計城得無虞明年長鎗軍項南班等叛來寇城或勸之去澤民慨然曰我雖無官守顧受國厚恩臨危愛死非臣子節留宣州籌畫戰守累敗賊兵旣而寇益衆城陷爲所執遂遇害時年七十追封譙郡公諡文節

劉畊孫字存吾茶陵州人文宗至順元年進士授臨武縣尹縣近蠻獠畊孫至召父老告之曰吾儒士也今爲汝邑尹爾父老當體吾意訓子弟以孝弟力田暇則事詩書勿自棄以干吾政乃爲建學校求民間俊秀教之設俎豆習禮讓暮年文化大興歷建德徽州瑞州三路推官所至詳讞疑獄清政卓然可紀至正十二年斬黃賊破湖南畊孫領家貲募義丁以援鄉里賊至輒刈故茶陵久不失守十五年轉寧國路推官歲饑勸富民出粟賑之活人以萬計長鎗軍項南班等攻寧國畊孫分守城西南日署府事夜率兵乘城固守賊引衆緣堞而上城陷力戰遇害弟燾孫字養吾以國學生下第授常寧州學正湖南陷長吏棄城走民奉州印請燾孫爲主城賴以完者一年外援旣絕死之長子碩爲江夏縣魯湖大使起義兵援茶陵亦死劉與孫者燾孫弟也官南豐州同知值寇亂仗節死于臺城見楚紀褚不華字君實隰州石樓人泰定初補中瑞司譯史歷僉河西廉訪司事未幾移淮東紅巾賊蔓延兩淮勢張甚褚不華行郡至淮安極力爲守禦計賊至多所斬獲且請知樞密院老章以判官劉甲守韓信城相犄角復上章劾總帥逗撓狀朝廷錄其功擢廉訪使甲有智勇與賊戰輒勝賊憚之不華頗賴焉總兵者聞其効已益恚嫉乃檄甲別將兵擊賊與以困不華甲甫去

續弘簡錄卷三十七
韓信城陷賊乃掘堙相銜捷水寨以圍淮安不華知事危退入
城時城三面皆賊惟北門通沔陽倚其芻餉而赤鯉湖被賊據
沔陽大路又絕食且盡攻圍日益急總兵者屯下邳按兵不出
遣使十輩告急皆不應城中餓者什道上卽爭取啖凡草木螺
蛤魚蛙燕鳥及靴皮鞍轡革箱敗弓之筋皆食盡父子夫婦老
稚更相食撤屋爲薪人多露處坊陌生荆棘力窮城陷不華猶
據西門力鬪中傷見執爲賊所縛次子伴哥冒刃抱父屍亦見
殺時至正十六年十月乙丑也不華守淮安五年身經數百戰
精忠大節人比之張巡云追封衛國公諡忠肅
田曰將不能戰惟逞私怨存亡之秋雖肝以困髓竭膏枯
悍禦無倦苟非精忠人何以勸

至元字堯佐恩州人泰定四年進士由棗州判官遷知磁州

時軍興日繁士元惟惜民力雖被將士訶責弗顧也尋調知濟
州州濱黃河雉堞不完至正十七年賊迫城守兵悉潰散士元
坐堂上顧其子致微使避曰吾守臣居此職也若可逃生子侍
立不忍去賊前問曰爾爲誰叱曰我王知州也強賊識我否賊
欲縛之士元奮拳毆賊賊怒并其子見殺
卞琛大名人家世力農早游學京師補國子生旣而丁母憂仍
服農於家至正中鄰郡盜起剽掠至其境琛與從子小十府史
李仲亨等協謀統丁壯數百人出擊民兵無弓矢直以鉤鉏白
挺當賊賊矢雨集琛衆潰散被擒小十仲亨皆死賊素知琛名
謂曰從我解汝縛不從殺汝琛唾曰我國子生也視汝輩真狗
彘耳吾寧義死不從逆生遂見殺

續弘簡錄卷三十七終

爲合肥人少孤授徒養母元統元年賜進士及第授同知泗州
事爲政嚴明宿吏皆憚之入爲應奉翰林文字轉刑部主事以
不阿權貴棄官歸名修宋遼金三史復入翰林爲修撰改監察
御史出爲湖廣行省郎中當莫孺蠻反右丞沙班堅不出師闕
曰公受天子命爲方嶽重臣不思執弓矢討賊乃欲自逸邪沙
班曰郎中語固是如芻餉不足何闕曰公弟往此不難致闕下
合趣之三日皆集沙班遂行嗣丁母憂歸廬州沔陽陳友諒盜
起據有荆楚起闕爲淮西宣慰副使僉都元帥府事分守安慶
時南北音問隔絕兵食俱乏抵官十日寇至拒却之乃集將吏
議屯田戰守計環境築堡砦選精甲外扞而耕墾其中屬縣濳
山八社土饒沃悉闢爲屯田夏大雨江漲田禾半沒城下水湧
有物吼聲如雷闕祀以少牛水輒縮秋稼登得糧三萬緡度軍
有餘力乃浚隍增卑隍外環以大防深塹三重南引江水注之
植木爲柵城上起飛樓表裏完固盜方環布四外闕提勁卒數
千屹然爲江淮保障且通道江右俾商旅四集友諒遣將趙普
勝由池州攻城經旬竟敗去尋拜淮南右丞安慶倚小孤山爲
藩蔽命義兵元帥胡伯顏統水軍戍之友諒自上游直擣小孤
山伯顏與戰四日夜不勝奔還安慶賊追至山口鎮遂薄城闕
遣兵扼之觀音橋賊乘東門張紅旗登城闕簡死士力擊賊復
敗去旣而并軍攻東西二門又却之賊患甚乃樹柵環城疾攻
金鼓聲震地闕部分諸將各以兵扞賊晝夜不得息友諒軍西
門四面蟻集外無一甲之援西門勢尤急闕身當之徒步提戈
爲士卒先仍分麾下將督三門之兵自以孤軍血戰身被十餘
創日中城陷城中火起闕知不可爲引刀自剄墮清水塘中妻

耶十氏子德生女福童皆赴井死

按闕妻史稱耶十氏元史節要作耶律氏惟賈良伯死節

記作夫人蔣氏後闕姪孫宗烈云當時有妾耶律耶十氏而夫

人實蔣氏子德臣女安安皆其所生也維揚張毅所記如此

同時死者守臣韓建全家被害建方臥疾賊執之以去不知所

終城中官民相率登城樓自捐其梯曰寧死此誓不從賊焚死

者以千計其知名者萬戶李宗可紀守仁陳彬金承宗元帥府

都事帖木補化萬戶府經歷段桂芳千戶火失不花新李盧廷

玉葛延齡丘喬許元琰奏差九都蠻百戶黃寅孫安慶推官黃

禿倫歹經歷楊恒知事余中懷寧尹陳巨濟凡十八人時至正

十八年正月丙午也闕號令嚴信與下同甘苦嘗病不視事將

士皆額天求以身代闕聞之強衣冠起當出戰矢石交下如雨

士以盾蔽之闕必却之曰汝輩亦有命何蔽我為故人爭用命

稍暇卽注周易率諸生詣郡學會講立軍士門外以聽使知尊

君親上之義留意經術五經皆有傳注詩體尚江左篆隸亦達

雅可傳元詩選云嘗讀書青陽山學者稱闕既死其義之求屍

以兒女妻之闕死乃驅其家屬盡殺之縱飲至醉自刎陳巨

謂曰節堪守正義激千秋矧伊一郡慷慨同仇霧雲萬春

從之如鶩講學非迂忠肝剖露

道童號石巖高昌人以世習入官性沉毅寡言由江浙參政歷

右丞轉本省平章素負清望至正十一年調行省江西徐壽輝

陷斬黃土寇蠡起道童深憂之郎中普顏不花曰有章伯顏左

丞者致仕居撫州熟知軍務宜以禮請之使專任軍旅庶事有

可濟道童從其言伯顏亦欣然起曰此報國之秋也至則與普

顏不花設禦敵計甚悉明年正月湖廣陷普顏不花將兵往江

南

州至石頭渡遇賊戰敗道童聞之恐卽懷印走及普顏不花還與伯顏定城守計後數日始自民家還省治議分門各守以備敵三月賊衆來圍城城中置各廂官及各巷長晝夕堅守衆心翕然道童素卹民能任人故士卒樂爲之用城被圍兩月道童密召死士數千人而塗以青額抹黃布衣黃衣爲前鋒又別選精銳數千爲中軍而募助陣者殿後夜半開門伏柵下黎明鉦鼓大震因奮擊賊賊驚以爲神敗走遂乘勝掃其營復分兵掃其餘黨伯顏以疾卒于軍是秋朝廷命火兒赤爲左丞將兵來助與道童平富瑞二州分鎮其地適歲旱公私匱乏道童移咨江浙借米數十萬石鹽數十萬引凡軍民約三日人糴官米一斗又三日買官鹽十斤各入昏鈔二貫民皆安之賊亦不敢犯其境十八年復四月陳友諒復攻江西時火兒赤已由左丞遷

平章加營國公得專制素與道童不相能見城將陷且夜遁道

童亦棄城退保撫州欲集諸義兵圖恢復勢已不可爲因嘆曰

我爲元朝大臣官至極品今城陷不守尚何面目見人乎適賊

追者至道童欲迎敵渡水未登岸衆乘之遂爲所害賜諡忠烈

志云有黃冲者字季中南昌人授義兵千戶僞漢陷城火兒

赤遁冲悉帥健勇來援爲叛將所殺闕六月父得其元墓焉

伯顏不花的斤字蒼巖畏吾兒氏駙馬都尉雪雪的斤之孫朶

爾的斤子也

高昌王世勳碑作

知信州路事累平賊有功歷遷浙東道廉訪副使守衢州至正

十八年陳友諒遣賊王奉國寇信州路明年正月伯顏不花自

衢引兵援信破走之時鎮南王子大聖奴屯兵城中聞援師至

開門出迎拜馬首伯顏不花登城四顧誓以破賊自許乃大饗

士卒分命大都閻高義爲左右翼奮擊入賊營斬首數千級後

數日友諒弟友德列營東城攻益急遣使來說降高義潛與賊
通往見奉國明日奉國令義以計來誘伯顏不花坐城上見義
單騎至謂曰汝欲作說客邪我頭可斷足不可移乃數其罪斬
之由是日夜鏖戰糧竭矢盡而氣不少衰有大呼城下者曰有
詔參謀海魯丁臨城問之曰何來曰江西來海魯丁曰如此則
賊耳吾元朝臣子可受爾偽詔乎呼者曰我主聞信州久不下
知爾忠義故來詔爾徒守空城何為海魯丁曰汝不聞張睢陽
事乎偽使者不答而去伯顏不花笑曰賊欲我降邪城存與存
城亡與亡吾計之熟矣時軍民唯食草苗茶紙既盡括靴底煮
食之又盡掘鼠羅雀及殺老弱以食六月奉國親來攻城晝夜
不息者踰旬賊穴地百餘所魚貫梯城上士卒力疲不能戰城
遂陷大聖奴海魯丁皆死之伯顏不花力戰不勝遂自刎其部

將蔡誠盡殺妻子與蔣廣奮力巷戰誠遇害廣被執奉國愛其

勇使之降廣曰我寧為忠死不為降生賊怒磔廣于竿大罵而
絕先是伯顏不花之援信州也嘗南望泣曰我為天子司憲視
彼城之危急忍坐視乎吾知上報天子下拯生民餘皆無可恤
所念者太夫人耳即入拜其母鮮于氏曰兒今不得事母矣母
曰爾為忠臣吾即死復何憾鮮于氏太常典簿樞女也伯顏不
花因命子也先不花奉其母問道入關中及死朝廷賜諡桓敏
書史會要云鮮于太常甥草書過
真舅氏圖繪寶鑑云亦工畫龍有陳受者信州小民也伯顏
不花知其有管力募為兵戰敗被獲痛罵不屈賊焚殺之
全普庵撒里字子仁高昌人初為中書省檢校時太師汪家奴
擅權臺諫無敢言者普庵撒里獨於衆中歷數其過諤諤無懼
色及拜監察御史即首劾汪家奴十罪坐是見黜然氣節不以

羅折稍沮歷授贛州路達魯花赤潁州盜起即修築城壘發公帑募勇士得三千人練習皆可用屬邑有被陷者遣兵克復之境內悉安至正十八年拜江西參政仍分省贛州時江西下流諸郡皆爲陳友諒所據乃與總管哈海赤戮力同守賊將幸文才率兵圍贛使人誘降普庵撒里斬其使日環甲登城拒戰凡四閱月兵少食盡義兵萬戶馬合沙欲舉城降普庵撒里不從遂自刎事聞贈諡做哀哈海赤守贛尤久城陷賊將勝之降哈海赤曰與汝戰者我也爾賊母殺贛民當速殺我遂見殺

朵里不花字端甫蒙古人由宿衛累官遼陽平章陳友諒陷江西詔移江西行省遂泛海南下趨廣東駐師揭陽招降土寇金元祐克復循梅惠三州自是英摩欽連諸郡皆附且治兵出梅嶺將赴江西而元祐有異志遮道固留陰令其子率外賊突入

奪符信殺官吏變起倉猝衆莫能支朵里不花爲鎗所中子達蘭不花率麾下力與抗死之朵里不花被執擁至太平橋罵不絕口遂爲賊所醢其妻卜顏氏妾高麗氏在側不去皆大罵曰我平章遇爾父子厚爾何暴逆至此亦皆遇害其部將哈乞吳普顏阿刺不花歹不花等俱戰死

李齊字公平廣平人家貧嘗作客江南工辭章元統元年賜進士第一歷僉河南淮西廉訪司事移知高郵府至正十三年泰州白駒場亭民張士誠爲亂破本州淮南行省舉兵討之不克乃遣齊往招降被拘久之亡何其黨自相攻殺始縱齊歸士誠佯請降行省授以民官未幾復鼓變殺叅政趙璉掠官庫走入得勝湖陷興化時左丞僕哲篤方鎮高郵使齊守夔社湖齊旣出高郵遂陷賊蔓延入寶應會有詔赦叛者使至高郵不得入

賊給曰必李知府來乃受詔再遣齊往至則囚之齊益聲言士誠本無降意特遷延爲繕飭計耳官軍謀知之進攻城士誠呼齊出叱使跪齊反叱曰吾膝如鐵豈爲賊屈賊怒扼之跪齊立而誦乃倒曳槌碎其膝副之論者謂大科三魁若泰不華沒海上李黼隕九江泊齊之死皆不負所學云

謂曰聖賢立教首重忠孝自竊虛聲遂至貽誚所學何事乃失其陳二李及秦節烈相肖巍巍大科三辰並耀

趙璉字伯器潁川人祖宏偉起家泰和尹著循聲仁宗朝官浙東廉訪副使聞郡人許謙得宋儒道學之傳延致爲師於是浙東人知向學卒諡貞憲璉登至治元年進士第歷官杭州路總管浙右病徭役民充坊里正者皆破家璉議以屬縣坊正爲雇役里正用田賦以均之民至今稱便至正中河南盜起湖廣荆

襄皆陷兩淮騷動朝廷析河南地立淮南江北行省于揚州以璉參知政事分鎮真州璉方病卽興疾行會張士誠起海濱陷泰州興化高郵知府李齊往招之士誠僞請降且乞從征自効乃移璉鎮泰州璉趣士誠治戈船趨濠泗士誠疑憚不肯發又覘知璉無備遂復反夜四鼓縱突登璉力疾捫佩刃上馬與賊鬪市鬪詰之曰汝輩罪在不赦今旣宥爾誅戮且錫以名爵朝廷何負汝乃復反邪賊以藥置璉墜地璉瞋目大罵死之其僕楊兒以身蔽主亦見殺弟琬字仲德仕爲台州路總管至正二十七年方國瑛以舟挾琬至黃巖琬潛登白龍舉止民舍絕粒七日或勸之食輒瞑目卻之而死

納速刺丁字士瞻其父馬合木從征襄陽以勞擢濬州達魯花赤因家大名納速刺丁起身鄉進士准東宣慰司倅爲濠秦州

續通志卷二十一
賊起納速刺丁建議築四城立外寨健堤穿河募兵與賊抗行
省檄其提戰艦巡江駐師龍潭口賊不得渡屢有戰功留守蕪
湖江口秦州李二作亂移捍高郵得勝湖賊船乘風來攻擊敗
之李二失援遂降其黨張士誠復殺二爲亂襲據高郵屯兵東
門納速刺丁以舟師會真滁諸軍討之距三梁鎮賊衆猝至麾
兵挫其鋒後賊鼓譟進更發火鏃射之死者蔽流而下賊緣船
於背盡銳來攻諸官軍皆遁納速刺丁以死自誓顧謂其三子
寶童海魯丁西山驢曰汝輩可脫走三子不肯去同死之進贈

元帥府經歷

石普字元周徐州人至正五年進士授國史院編修官改經正
監經歷淮東西盜起樞密院董鑰薦普材于朝會丞相脫脫訶
徐州命從行徐平歷升樞密院都事從守淮安時張士誠據高
郵普詣丞相而陳破賊之策曰高郵負重湖之險地皆沮洳駘
兵猝莫能前願假步兵三萬保取之高郵旣平則濠泗易破普
請先驅爲天下忠義倡脫脫壯之命權山東義兵萬戶府事招
民義萬人以行次范水砦日未夕普令軍中具食夜漏三刻下
銜枚趨寶應卽登城樹幟城上賊大驚潰乃水陸進兵乘勝拔
十餘砦直抵高郵縱火燒關門賊懼將棄城走總兵者遣蒙古
軍千騎突出普軍前欲收先入功賊以死扞城蒙古軍懼怯卽
馳回普止之不可遂爲賊所蹂踐率墮水中普軍亂賊乘之普
勒餘兵血戰良久直入賊陣中援兵忌普成功按不進從者僅
三十人搏戰至日西被創墮馬復步戰數合賊益至指曰此必
頭目可生致之普叱曰殺賊衆攢槍來刺普與從者力盡俱死
所中猶手握其槍斫賊賊衆攢槍來刺普與從者力盡俱死

盛昭字克明歸德人由儒學官累遷淮南行省照磨會詔使往高郵諭張士誠不得達還詭稱賊已迎拜但乞名爵行省不虞其欺再遣昭入高郵授以萬戶告身士誠拒不納拘諸舟中昭語所從吏曰吾之止此有死而已既而官軍逼高郵士誠授賂以兵使出拒昭叱曰吾奉命招撫汝汝拘留詔使罪不容誅反欲吾從汝為賊邪賊怒先剗其臂肉而後磔之

楊乘字文載濱州渤海人至正初為介休縣尹民饑散為盜乘立法招之俾自新盜由是息後累官江浙行省員外郎坐海寇掠漕舟免官寓松江張士誠入平江其徒郭良弼董綬極稱乘才士誠遣張經招之乘曰良弼等皆名臣今已失節傾欲引我濟惡邪且讓經平口讀書所學何事經俛首不能對乘且與客痛飲竟日不言客問盍行乎曰乘以一小吏致身顯官有死無貳何行之有經促其行愈急乘乃整衣冠自經死續耕錄云乘

史辟中書參議掾歷官穀城介休二縣尹拜監察御史擢江浙行省員外郎是年杭州陷乘坐黜退居松江青龍鎮後御史言乘職在贊理不當罪宜復其官事遂自十六年張士誠陷平江遣所署官吳縣丞張經賞禮幣造請乘遣人告曰吾廢處田里久不足以辱使者吾當擇日受命請以幣置門外經如其言乘命子適卓具牲體告祖廟既竣事復命酒飲坐至夜分二子尚立侍命口若且休吾將就寢請且適等啓寢門未啓發視之則已自經得手書大約言死生晝夜之理且以得全晚節為快

孫撫字自謙曹州人至正二年進士原官濟寧路錄事張士誠據高郵或謂其有降意朝廷遣翰林待制烏馬兒為使前往招之而用撫輔行撫家居不知也中書加撫集賢待制給驛就其家強起抵高郵士誠不送詔撫等既入城反覆開諭士誠作竦聽已而拘之他室或日一饋食欲脇之降撫惟事拒斥乃令其黨捶撻肆其凌虐撫不為動及士誠據平江轉掠湖松諸州撫與其部將張茂先謀持撫所授站馬劄子遣壯士赴鎮南王府

約日進兵謀泄竟為所害後賊中見失節者輒自相嗤曰此豈
孫待制邪追贈曹南郡公諡忠烈

月魯不花字彥明蒙古遜都思氏父脫帖穆耳泰定三年以千
戶分鎮于越

志云性廉直尚節義遊兵掠天台烈婦王氏死于清風嶺慨然為之立廟

月魯不花從

父任就試江浙鄉闈中右榜第一榜未發試官夢月中有花象
已而果符其名登元統元年進士第授台州路錄事司達魯花
赤縣未有學乃首建孔子廟延儒士為之師以教後進歷官吏
部員外郎奉命至江浙糴粟二十四萬石餉軍至則第戶產之
高下為糴之多寡民不擾而事集尋拜監察御史首言天子宜
躬祀南郊殷祭太室皇太子當簡老成輔導以成其德帝嘉納
之升吏部侍郎時方重選守令以保定密邇京畿授本路達魯
花赤俄除吏部尚書保定民詣闕乞留乃以尚書知郡事命賦

北渡河月魯不花日修城濠為戰守具奏留五省八衛兵護本
郡兼統黑軍數千人及團結西山八十二寨民義軍勢大張賊
再侵境皆不利去既名還為詳定使去保定一月而城陷至正
十九年拜南臺御史中丞由海道趨紹興既而除浙西廉訪使
時張士誠據浙西僭王號度弗可與其乃謂從子同壽曰吾家
世受國恩恨不能刺賊以報國矧與之同處乎即具舟載妻子
而自匿木櫃中蔽以藁藉脫走至慶元改山南道廉訪使浮海
北往道阻還抵鐵山遇倭寇登舟攫之令拜伏月魯不花曰吾
朝廷重臣寧為賊拜邪遂遇害次子樞密院判老安姪百家奴
扞敵亦死之家奴那海刺殺賊首同舟死事者八十餘人追贈
遼陽行省平章諡忠肅

達識帖睦爾字九成康里脫脫子也幼入國學為諸生讀經史

悉通大義尤好學書書史會要云大字學釋初以世胄補官至

正九年遷湖廣平章時沅靖榔桂等路徭獠竊發達識請置三

分省一治靜江一治沅靖一治榔桂以左右丞參政分兵鎮其

地已而諸徭獠悉降詔還拜大司農台州方國珍起海上奉詔

與浙東宣慰使秦不華同往招諭史作參政樊累遷江浙行省

左丞相許便宜行事江淮盜勢日盛南北道梗所部郡縣多淪

沒十六年二月張士誠陷平江七月逼杭州達識棄城走富陽

會前軍帥楊完者為江浙參政駐嘉興引兵擊走士誠達識乃

還鎮明年士誠詐請降願輸漕粟達識欲不許完者固勸乃許

之承制拜士誠太尉其黨皆授官有差士誠素欲圖完者而完

者時又強娶平章慶童女達識雖主其婚然心實且憎乃陰與

士誠合謀令以兵除之士誠出兵復建德完者營于杭州北不

久備遂被圍苗軍潰完者自殺士誠遂據杭州既而自立為吳

王乃逼徙達識于嘉興峻垣墻錮門閤守之使人至紹興索行

璽印御史大夫普化帖木兒怒封印置庫中曰頭可斷印不可

及迫之登舟曰身可死義不可辱也從容沐浴更衣與妻子

別詩二章仰藥死臨死擲杯地上曰我死矣逆賊當踵我亡

達識聞之嘆曰大夫且死吾不死何待命左右以藥酒進飲

而逝普化帖木兒字兼善魯乃蠻氏行臺御史大夫帖不

子也志稱魯兼善者即是

字可宗汝梁人少習舉子業負氣不羣潁州妖人劉福通

兵起亦以紅巾為號據汝寧官軍討之久不克會朝廷詔赦叛

逆募可持詔入賊者因應命假以唐州判官使焉賊渠悉其黨

搖動止因於外納詔不讀旋縱因歸報因出乘馬周賊屯大呼

曰汝輩好百姓何不早降歸田里而甘從賊驅使邪眾愕貽相
顧賊渠追因責其所言因極口肆詈賊怒寸割之

張桓字彥威真定藁城人父本知汝寧府因家焉桓以國子生
釋褐累官西臺御史以言事不合去劉福通陷汝寧桓避居確

山賊久知桓名襲獲之羅拜請為帥弗聽囚六日擁至渠魁前
桓據榻坐與之抗論順逆其徒粹桓起跪桓仰天大呼叱益厲

且屢唾賊而賊猶不忍殺謂曰汝但一揖亦恕汝死桓瞋目曰
吾恨不能斬汝首肯聽汝誘脇而折腰哉賊知終不可屈遂刺

之後語人曰張御史真鐵漢害之可惜追贈禮部尚書諡忠潔
輟耕錄云桓謝職居確山縣而陷賊賊魁素聞桓有節績置上
座脇之受偽官桓唾之遂縛桓妻孥九人至先殺妾次殺子女
以及妻每殺一人則謂桓曰御史若降
餘可免桓弗為動此至正辛卯八月事

喜同河西人本姓周由後宮衛士任南陽縣達魯花赤居二歲
劉福通兵抵南陽境縣素無城且無守卒喜同即死自許與

家人訣曰吾與汝等不能相顧矣乃策厲義兵奮力與賊搏賊
知無後援戰愈力城陷喜同突圍將自拔賊橫刺其馬馬蹶喜

同鞭馬躍而起手斬刺馬者俄為他賊所追身被數創不能鬪
遂見執為所殺妻邢氏帥家僮數人出走遇賊奪其刀斫之且

罵且前亦見殺一家死者二十餘人 時襄陽錄事司達魯花
赤塔不台字彥暉元統元年進士魏王軍汝毫塔不台來供餉

王嗜酒輕戰備一夕賊劫王王臥未能起為所執塔不台馳騎
奪王亦為賊獲比曉見賊渠王拜乞活塔不台以足蹴之曰王

猶欲生乎賊復屈其拜塔不台拒而語之且與縛者角遂被支
解志云明兵攻南陽喜同一家
皆死節闔郡哀之未知孰是

郭嘉字元禮濮陽人祖昂父惠俱以戰功顯嘉慷慨有大志登

泰定三年進士第累官廣寧路總管屬盜起詔團結義兵嘉招
 集民數千教以坐作進退號令齊一賞罰明信故東方甲兵之
 精稱嘉為最至正十八年劉福通黨由大同焚掠上京嘉躬率
 義旅出禦且竭家貲倡勇敢既而遼陽陷孤城無援嘉歎曰自
 我祖父有勲王室今日盡忠吾分內事况身守此土當生死以
 之餘不足惜頃之賊至圍城亘數十里有人呼者曰遼陽我得
 矣何不出降嘉挽弓射呼者中其左頰墮馬死賊稍引退嘉開
 西門逐之賊大至力戰以死追封太原郡公諡忠烈

趙洙河南湯陰人官遼陽路儒學提舉至正十八年劉福通黨
 略遼陽洙被執欲使降洙叱曰我為儒官職司名教豈肯從汝
 為逆者賊怒殺之繼執其妻許氏嚇之以刃氏罵曰吾母與兄
 弟居武昌者皆死於賊今吾夫又死焉使我得報汝當驅汝矣

何懼為賊并殺之

列女傳云許氏集賢大學士何王之姪女

伯顏師聖字宗道哈刺魯氏世居開州濮陽縣生三歲嘗以指
 畫地或三或六若為卦者六歲從里師授孝經論語即成誦蚤
 喪父其兄曲出購經傳諸書資之日夜誦不綴稍長受業宋進
 士建安黃坦坦曰此子敏悟過人非諸生可比因命以顏為氏
 且名而字之久之坦辭曰余不能為爾師羣經有朱子說具在
 歸而求之可也弱冠即以斯文為己任學者來相質難隨問辨
 咸解其惑而去自是從游日眾至正四年以隱士徵至京授翰
 林待制預修金史既畢辭歸已復起為江西廉訪僉事數月以
 病免及還益修輯六經多著述其為學務真知力踐不屑事舉
 子詞章士出其門不問而知為伯顏氏學者十八年紅巾賊蔓
 延河北師聖言於省臣將結鄉民為什伍以自保而賊兵大至

師聖渡漳北行邦人從之者數十萬家至磁州與賊遇賊知其
名生劫之不屈引頸受刃與妻子俱遇害年六十有四既死賊
羣剖其腹見心有數孔相顧曰古稱聖人心有七竅此非賢士
乎乃納心于腹中覆牆檢之詔諡文節太常諡議曰以生平有節乃古之君子人者生平語錄甚富惜皆燬于兵

冊曰讀書明理踐履篤確月露風雲鳥足相較頓沛不離
乃真道學

董搏霄字孟起磁州人由國子生辟西臺掾歷遷浙東宣慰副
使所至皆有聲至正十一年除濟寧路總管從江浙平章教化
討徐壽輝進兵安豐屢敗賊衆復其城十三年命移軍援江南
至湖州時賊將項普略引兵自徽饒陷杭州教化從閩討對曰
賊見杭城子女玉帛必縱慾不暇為備宜急攻之若退保湖州

倘賊乘銳趨京口則江南不可為矣諸將難其行搏霄拔劍正
色曰諸君荷國厚恩而臨難苟免今相君在是敢有慢令者斬
卽進兵薄杭城賊迎敵至鹽橋凡七戰追殺至清河坊賊奔接
待寺塞其門焚之皆死遂復杭州賊復自昱嶺關寇於潛行省
復令討之卽日赴臨安扼新溪分兵守入杭要路後進兵至斗
口及虎檻遇賊屢敗之追殺至於潛遂復縣治由昌化進克昱
嶺關賊有犯千秋關者搏霄還軍守於潛賊大至焚倚郭廬舍
搏霄按軍不動左右請出兵曰未也遣人執白旗登山望賊約
曰賊謂我怯必少懈伺其間則麾旗且伏兵城外皆授以礮復
約曰見旗動礮卽發已而旗動礮發城中兵盡出遂復千秋關
賊復攻獨松百丈幽嶺三關搏霄先以兵守多溪多溪者三關
要衝也既分軍爲三各出一關會壽賊巢遂乘勝復安吉賊復

來窺獨松搏霄更以兵守苦嶺及黃沙嶺賊帥多來降復進兵
克廣德俄斬饒諸賊犯徽州有道士能作十二里霧搏霄以計
破之妖霧頓開諸伏兵皆起襲賊營後賊大潰獲道士焚其妖
書斬之遂平徽州輟耕錄云搏霄號令嚴肅凡寇復諸郡不殺
在前起立捧觴取其所傷不抄掠四方之士歸之者禮遇勤至博酒
長而任之得待士之體十四年遷樞密院判官從丞相脫脫征
高郵分戍鹽城興化賊巢踞大縱得勝兩湖間凡十有二悉勦
平之卽其地築芙蓉砦賊入輒迷故道自是不敢復犯賊恃習
水渡淮北入安東州搏霄招善水者五百人與戰于大湖破之
遂復安東連克北沙廟灣沙浦等砦尋進兵泗州不利賊乘勝
東下斷糧道乃回軍屯北沙糧且絕與賊死戰七晝夜賊敗走
奪船七十餘始得渡淮保泗州時方暑兩湖水溢諸營皆避去
搏霄獨守孤城賊環攻數十里搏霄坐城上遣偏將以驢上山

西門突出賊後約曰旗一揮卽還旣而旗動騎士還步卒出城
夾擊賊大斲乃結陣西行轉戰數十合軍至海寧朝廷嘉其功
命同僉淮南行樞密院事搏霄建議於朝曰淮安爲南北襟喉
江淮要害其地一失兩淮皆未易保爲今日計莫若於黃河上
下并瀕淮海地及南自沐陽北抵沂莒蘄榆諸州縣布連珠營
每三十里設一總砦就三十里中設一小砦使斥堠烽燧相望
遇賊則并力野戰無事則屯種而食然後進有援退有守又海
寧一境不通舟楫軍糧惟可陸輓民不勝其瘁權令軍人搬運
其陸運之方每人行斗步三十六人可行一里三千六百人可
行百里每人負米四斗以夾布囊盛之用印封識人不息肩米
不著地排列成行日行五百回計路二十八里輕行一十四里
重行一十四里日可運米二百石人給米一升可供二萬人此

百里一日運糧之術也又言江淮南北之民壯者既盡爲軍老弱無所依歸者宜置軍民防禦使擇軍官材堪牧守者居之而籍其民以屯故地於以練兵積穀且耕且戰內全山東完固之邦外捍淮海出沒之寇而後恢復可圖也時不能用十七年妖寇劉福通遣僞將毛貴陷益都般陽諸路有旨命搏霄從知院事卜蘭奚往援濟南適告急搏霄提兵往濟南賊衆自南山來攻望之兩山皆赤搏霄先以數十騎挑之賊衆悉來鬪騎少卻至澗上伏兵起遂合戰城中兵亦出大破之般陽賊復踰南山來襲濟南搏霄列兵城上弗爲動賊夜攻南門以矢石禦之黎玘乃密開東門遣兵出賊後既旦城上兵皆下大開南門合擊賊敗走濟南始寧改淮南行樞密院副使兼山東宣慰使都元帥有嫉其功者譖於總兵太尉紐的該令搏霄仍依前詔從卜

蘭奚征益都搏霄卽出濟南城屬老且病請以弟昂霄代領其衆朝廷授昂霄淮南行院判官十八年正月毛貴陷滄州京師大恐急檄搏霄守河間長蘆鎮以兵北行且曰我去濟南必不保旣而果陷搏霄方駐兵南皮適有旨擢河南右丞甫拜命毛貴兵至營壘猶未完諸將請曰賊至當奈何搏霄曰我受命至此惟以死報國方拔劍督戰賊衆突至摔而前刺殺之無血但見白氣衝天是日昂霄亦死帝深加悼惜追封搏霄魏國公諡忠定昂霄隴西郡侯諡忠毅

冊曰料無不中向無不摧文武兼備實爲全才倘值隆平爲周爲名豈獨大節爲萬世表

王英字邦傑益都人性剛果有大節膂力絕人襲父職爲莒州翼千戶父子皆善雙刀號刀王世祖至元二十九年江西行院

命往南雄討丘太老等成宗元貞初從左丞董士選討山西劉
貴所至皆有功歷官同知海北海南道宣慰司事後至元初漳
州李志甫潮州劉虎仔並起爲亂時英已致仕平章伯撒里謂
僚佐曰是非乃王行不可其人可以義激遣使迎致之英曰國
家有事吾雖老其可坐視乎據鞍橫槊精神飛動馳赴焉及賊
平英功居首至正中毛貴陷益都英時年九十六領謂其子弘
曰我世受國恩美官厚祿備嘗享之今老矣縱不能事戎馬以
報天子尚忍食異姓之粟以求生乎水漿不入口者數日遂卒
貴聞之使具棺衾以葬將斂舉其尸不動焚香祝曰公子必請
公歸葬先坐祝畢尸遂起憲司請卹於朝曰不食寇粟餓死芹
泉有夷齊之風爲臣之清者也芹泉谷名
英所居也
顏瑜字德淵曲阜人充國復聖公五十七代孫也以行誼舉爲

陽曲縣教諭至正十八年義兵萬戶田豐叛陷東平瑜攜家走
鄆城道遇賊曰爾何人曰我東魯書生也賊曰爾書生可從見
主帥瑜曰賊爾何主帥邪賊怒欲殺之瑜無懼色復使之寫旗
瑜大誦曰爾本大元百姓會世亂募爾爲兵而反行叛逆我腕
可斷豈能爲爾寫旗從逆乎賊以槍刺殺之妻子皆爲所害
有曹彥可者亳州人當妖寇起里中無賴子倡亂揭帛於竿羣
趨彥可家劫之使寫旗彥可辭乃迫以刃彥可唾曰我儒者惟
知有君父豈爲汝寫旗者賊怒遂見殺

鄭玉字子美徽州歙縣人幼敏悟嗜學既長覃思六經尤邃於
春秋絕意仕進門人受業者衆所居至不能容相與卽其地構
師山書院處焉至正十四年除翰林待制朝廷遣使以御酒名
幣浮海徵之辭曰名爵者祖宗所遺使與天下賢者共之待制

之職臣非其才不敢受酒與幣臣不敢辭也家居日以著書爲樂有春秋經傳闕疑三十卷其序曰夫子集群聖之大成春秋見夫子之大用其於事也可以因則因可以革則革其於人也可以褒則褒可以貶則貶故易詩書言其理春秋載其事有易詩書而無春秋則徒託之空言而已矣然在當時游夏已不能贊一辭至於三家之傳左氏雖若詳於事其失也誇公穀雖或明於理其失也鄙及觀其著作之意則若故爲異同之辭而非有一定不可易之說兩漢專門名家之學則又泥於災祥徵應而不知經之夫用唐宋諸儒人自爲說家自爲書紛如聚訟互有得失程子雖得經之本旨惜無全書朱子問論爭之是非又無著述爲今之計宜博采諸儒之論發明聖人之旨經有殘缺則考諸傳以補其遺傳有舛訛則稽諸經以證其謬使經之大

指粲然復明於世昭百王之大法開萬世之太平然後足以盡斯經之用某不自揆嘗因朱子通鑑綱目之例以經爲綱大字揭之於上復以傳爲目而小字疏之於下敘事則專左氏而附以公穀合於經者存之立論則先公穀而參以歷代諸儒之說合於理者取之其或經有脫誤無從質證則寧闕之以俟知者而不敢強爲訓解傳有不同無所考據則寧兩存之而不敢妄爲去取至於誅伐之事尤不敢輕信傳文曲相傳會蓋春秋有魯史之舊文有聖人之特筆固不可字求其義如酷吏之刑書亦不可謂全無其義如史官之實錄也程子謂春秋大義數十炳如日星豈無可明之義朱子謂起頭一句春王正月便不可解固有當闕之疑是書折衷二說而爲之義例所以辭語重複不避繁蕪者蓋以常人心窺聖人之意反復推詳猶懼不得

其要况敢吝於言乎然亦姑以便檢閱備遺亡而已非敢為明
經旨傳後世也見經義攷十七年明兵入徽州守將要之使出玉曰

吾知死期至矣二雉入吾室其兆也遂奮身往見守將曰君臣
之大義生死之大關天壤間自有一定吾豈事二姓者哉被拘

久之親朋每攜具至則從容盡歡且告以必死狀妻程氏聞之
使語曰君苟死吾其相從地下矣玉使謂曰若果從吾復何憾

明日具衣冠北向再拜自縊于旅舍計至程亦自經鄉人即其
師山書院改廟祀焉新安志云歙人鄭千齡妻洪氏年二十六

節妻程亦死之妾何矢志撫其孤嶠早卒妻王亦不二志至今稱鄰門四節

福壽唐兀氏早歲知書善辭令入備環衛用年勞授長寧寺少
卿累遷同知樞密院事穎州告變時車駕在上都廷議欲驛奏

以待命福壽謂比使得請還則事有弗及決計且調兵遣官討
之而後聞順帝善其處置得宜命平章淮南行省事是時濠洲

已陷上游賊勢甚盛福壽築石頭斷江而守禦有方衆恃以為
固至正十五年遷南臺御史大夫守集慶先是集慶嘗有警湖

廣平章阿魯灰將苗軍來援事平苗軍殺阿魯灰以叛集慶之
援遂絕及高郵廬和等州相繼陷集慶勢益孤且倉庫無積蓄

福壽因下令富民俾出助糧餉激厲士衆為完守計十六年三
月明兵圍集慶福壽數督戰盡閉諸城門惟開東門以通出入

城中勢不支遂破百司奔潰福壽獨坐鳳凰臺下指麾左右或
勸之去叱曰吾為國家重臣城存則生城破則死尚安往哉達

魯花赤達尼達思見其獨坐意若有所為者留弗去俄而亂兵
四集福壽遂遇害達尼達思亦死之同時死者有治書侍御史

賀方字伯京晉寧人以文學名事聞贈福壽徭國公諡忠肅

石抹宜孫字申之世系見石抹也先傳父繼祖為沿海副萬戶鎮台州
仁宗初移鎮婺處兩州馭軍嚴肅為學本經術兼通名法縱橫
天文地理術數方技釋老之說見稱薦紳間宜孫承其家學長
於詩歌嘗以廕襲父職守處州及弟厚孫長即讓其職退居天
台方國珍起海上行省檄宜孫守溫州即起任事屢平賊築城
為禦敵計至正十七年行省丞相達識帖睦承制授宜孫行
樞密判官分院治處州以劉基為其院經歷蘓交龍為照磨宜
孫又辟郡人胡深葉琛章溢參謀軍事處居萬山中盜賊憑據
險阻輒竊發不易治宜孫用基等謀或擣以兵或誘以計未幾
皆殲殄無遺尋遷同僉行院事值天下多故所在守將各自相
保於時浙東則宜孫在處州邁里古思在紹興皆賊所畏憚者
次年明兵取蘭溪且逼婺州宜孫母實在婺泣日義莫市於君

親食祿而不事其事是無君也母在難而不赴是無親也即遣
胡深等將民兵數萬赴援親率精銳為之殿比至婺敗績明兵
入處州宜孫將數十騎走福建境上欲圖恢復所至人心已散
知事不可為嘆曰處州吾所守者今吾勢已窮無所於往不如
仍還處境長作處州鬼耳既還至慶元縣為亂兵所殺追贈越
國公諡忠愍 邁里古思字善卿西夏人至正十四年進士及
第授紹興路錄事司達魯花赤苗軍帥楊完者在杭縱軍鈔掠
至紹興奪人馬邁里古思收斬數人完者懼不敢調兵渡浙會
江南行臺僑治紹興檄邁里古思為行臺鎮撫乃大募兵號果
毅軍處州山寇焚掠婺境即約石抹宜孫夾攻其巢穴平之省
臣達識帖睦承制授行樞密判官分院治紹興方國珍遣兵
侵據屬邑邁里古思曰國珍本海賊今既降為大官而復來害

吾民可乎欲率兵往問罪先遣部將黃中取上虞時朝廷方倚國珍資其舟運糧而御史大夫拜往哥與國珍素通賄情好甚厚憤邁里古思擅舉兵且悉生變偽使人召至私第與計事至則命左右以鐵鎚搗殺之斷其頭擲湖中黃中間變即率眾復讐盡殺拜往哥家屬及臺府官掾史獨留拜往哥不殺御史真童糾其陰害帥臣幾致激變於是詔削官職安置湖州而邁里古思之寃始白名賢錄云明州董旭字太初素與邁里古思友善及被難旭作詩傷悼辭極哀楚方國珍欲羅致幕下旭拒不受乃賦詩曰鬱鬱芒雲未辨蛟龍形災榮祥星光未燭夾馬營君子慎其微草露不可行屢強之不屈遂過害有領生者上虞人也當邁里古思守郡時生聚鄉兵出應與國珍戰曹娥江身死於江岸後岸皆衝齧家至今獨完普顏不花字希古蒙古人倜儻有大志由國子生登至正五年右榜進士第一授翰林修撰遷江西行省郎中徐壽輝寇江西普顏不花戰守之功為多語在道童傳累轉中書參知政事十八年

詔與治書侍御史李國鳳經略江南至建寧陳友諒遣賊鄧克明來寇時國鳳分鎮延平聞變夜遁普顏不花曰我承制來此去將何之誓與此城同存亡耳前後拒戰六十日賊不得逞明年名還授山東宣慰使守益都明兵壓境捍城力戰城陷普顏不花還告其母曰見忠孝不能兩全有二弟當為終養拜母趨官舍坐堂上敵素聞其賢名之再三不往既而面縛之厲聲曰我元朝進士官至極品臣各為其主何以生為竟不屈死其妻阿魯真呼家人告曰我受恩封齊國夫人今事至此唯有死耳已而普顏不花二弟之妻各抱幼子及婢妾溺舍南井死此阿魯真欲下井填塞不可容遂抱子投舍北井其女及妾女孫女皆隨溺焉是時有申榮者官山東行省平章守東昌見列郡皆降告其父曰人生世間不能全忠孝者見也城中兵少不敵

戰則萬人之命由見而喪但有一死報國耳遂自經

喬彞字仲常號芸齋晉寧人性高介有守至正十八年叛將王士誠襲晉寧城陷城中死者過半彞家有大井乃整冠衣坐井上令妻子婢輩循次投井中而已隨赴之士誠素知彞名使人卽其家邀致之至則死矣賊平賜諡純潔 有張富起字傅霖汾州人嘗為國子助教免歸盜自晉寧陷汾州富起與妻赴井死 王佐字元輔晉寧人賊至為所獲欲降之佐傲岸自如詎賊不輟因見害 又有吳德新者字止善建昌人工醫留京師偶往晉寧會盜至見執脅使降不從賊加刃頸上德新罵不已乃曳之井上陽欲擠之德新卽自投井中仰罵賊賊下射矢貫其頂罵益力賊怒以土埋井而去

楊僕字文素河南人早有文名得推擇試吏事為全椒縣尹行

省參政也先總兵于滁縱飲不理軍事至暮賊門不鑰主寇入縱火正張燭揮杯急踰城走樸度必死盡殺其妻女朝服坐堂上寇欲奉為主樸指妻女示曰我已戕我屬政欲死官守耳向何云哉連唾之寇繫樸樹上刳其肉殆盡

栢帖穆爾字君壽蒙古人至正中累遷福建行省鄜州

以廉能著聲 名山藏云斂樞密院居侯官 二十七年明舟師由海道趨閩奄

至城下栢帖穆爾知城不可守引妻妾坐樓上慷慨謂曰丈夫死國婦人死夫義也今城且陷吾必死於是若等能從吾否皆泣曰無他志相對而縊者六人有十歲女度其不能自死因給之曰汝稽顙拜天庶保我無恙甫拜卽挈米囊壓死之乳媪抱其幼子旁立以泣栢帖穆爾熟視之嘆曰父死國母死夫妻與女從父者也皆當死汝三歲兒於義何所從乎為宗祀計可也

乃令媼抱匿旁近民舍而歛金珠昇之曰脫有急可以此贖命
有頃兵入城即舉燈自燃四圍窓火大發自焚死

問曰臣固死忠名義所在妻孥而下義亦稍殺矢志不回
無兒女態節烈同垂千秋不壞

迭里彌實字子初回鶻人性剛介事母至孝年四十猶不仕或
問之曰吾不忍舍母去以宿衛年勞遷監察御史至正十七年
建言疆宇日蹙兵律不嚴陝西汴梁淮潁山東之寇有窺伺燕
趙之心宜急選將練兵信賞必罰共圖克復之宜預定守禦之
策不報出爲漳州路遠魯花亦明兵旣取福州興泉相繼納款
迭里彌實仰天嘆曰吾不材位三品國恩厚矣報國者惟有死
耳亡何吏走白招諭使者至請出城送之答曰爾第往吾行出
矣乃詣廳事具公服北面再拜畢引斧砍其印大書手版曰大

元臣子卽入坐按所佩刀刺喉旣死猶手執刀按膝坐儼然如
生郡民歛其尸葬東門外 時有獲獨步丁者亦回鶻人官廣
東廉訪僉事有呂復者爲江西行省都事皆寓福州而復以行
省命攝長樂縣事福州旣下獲獨步丁曰吾兄弟三人皆忝進
士受國恩四十年今雖無官守然大節所在不可辱以石自繫
其腰投井死復亦曰吾世食君祿今雖攝官若不以死報國則
無以見先人於地下乃引繩自經獲獨步丁兄曰穆魯丁者官
建康曰海魯丁者官信州先是亦皆死國難云

閔本字宗先河內人性剛正早歲貧刻志於學推擇爲禮部令
史由御史臺掾五轉至集賢侍講學士本素有目青嘗上章乞
謝政不允明兵薄京城本謂其妻程氏曰國事至此吾知之久
矣愧不能立功補報敢愛六尺軀苟活哉程曰君能死忠我尚

有愛於君乎本乃朝服與程氏北向再拜大書其職術姓名于
屋壁遂各縊焉二女長真真次女女亦號泣自縊于其側

拜住字聞善康里人由國學生以材累官翰林國史院都事為
太子司經明兵至拜住請家人曰吾始祖海藍伯封河東郡公
者與太祖同事克烈部可汗太祖滅克烈吾祖不忍改所事避

於遠地以沒吾祖生朔漠尚守義如此今吾生長中原讀書國
學可不知大義乎况吾累世受國厚恩今其國破安忍見之從

容赴井死

粵志載有高要千戶亦名拜住嶺西寇至挺身
出戰為亂槍所斃噴血而死郡中至今祀之

趙弘毅字仁卿真定晉州人少好學家貧無書備於巨室晝則
為役夜則借書讀之始辟為翰林書寫再轉為大樂署令明兵

入京城弘毅嘆曰忠臣不二君烈女不二夫古語也我今力不
能救社稷但有一死以報國乃與妻解氏皆自縊其子恭為中

書管勾與妻子訣曰今乘輿北奔吾父子世食祿不能効尺寸

况吾父母已死尚何顧惜或止之曰我曹官卑何自苦如此恭
叱曰爾非吾徒也古者忠義人各盡白心豈問職之崇卑乎遂

北向再拜縊死其女官奴年十七見恭死方大泣適隣媪數輩
來相率出避曰我未適人避將何之人生在世便百歲亦須一

死乃入中堂解衣帶自經

黃暉字殷士撫州金谿人博學明經尤長於詩賦至正十七年
用丞相太平薦授淮南行省照磨歷官國子監丞改翰林待制

兼國史院編修官二十八年京城既破暉歎曰我以儒致身累
蒙國恩為胄子師代言禁林今縱不我戮何面目見天下士乎

遂赴井死有詩文傳於世 是時有張庸者字存中真定人後
家溫州精太乙數遭世亂以策干進經畧使李國鳳奇之及赴

京進太乙數圖歷官刑部尚書領團練守房山路駝谷會諸寨皆降遣從事段禎求援不報寨民執庸出見主將庸不屈與禎同見殺

王遜志字文敏志作衛州汲縣人翰林學士惲之曾孫也以廕授侍儀司通事舍人由監察御史出為江西廉訪副使名僉太

常禮儀院事明兵逼京師有旨命陳祖仁及遜志載太廟神主從皇太子北行遜志執不可語載陳祖仁傳京城不守公卿爭出降遜

志獨家居正衣冠而坐其友中政院判官王翼一作統志來告曰新朝寬大盍出詣官自言狀遜志斥之曰君既自不忠又誘人

為不義邪因戒其子曰汝謹繼吾宗即日投居賢坊井死
田曰育賢養士幾及百年一旦國破累累生捐豈日仰報
豈為名傳不負所學君臣義全

張正蒙山陰人嘗以吏為湖州德清稅務提領母喪廬墓南嶺

與兵變正蒙謂妻韓氏曰吾曾為元朝臣子於義當死韓曰君果死忠吾必死節遂相對自縊其女池奴年十七泣曰父母既

死吾獨何生隨投身深崖中志云女越奴日匿山中夜守尸側竟餓死

徐猱頭大都人明兵入都城妻岳氏告曰寇至我等恐被驅迫將奈何猱頭曰事急矣惟有死爾遂火其所居夫婦挽手同投

烈焰中母王氏及二女一子見之號慟不已亦皆抱持赴火死

梧溪集云至正十一年盜麻起二月山東副都元帥禿堅里師出鄒平縣中流矢死廣州推官王宗顯香山巡檢曾元吉石岐

戰死五月徐州兵馬指揮使禿魯亮州陷陣死廣德魏萬戶關住石塘洋赴水死汴梁路同知黃頭項城縣沙執詈賊死時向乘卿那海戍項城語子伯忽都姪阿刺不花曰彼賊新執黃頭勢驍甚與其待敵孰若進討苟天未厭亂吾一門不忝下尚書矣眾曰大人誓許國兒輩何愛死遂進攻多所斬獲卒以步登皆拔刀自刎七月廣東差發兒率白徒拒周塘或勸之走登日祿位無小大見危則致命亦死之封川吏目唐國寶被俘遣策死安東萬戶朵哥千戶高安童並中殿死頭木港海百戶伊

宗澤戰死黃巖九月汝寧知府完哲府判福祿護國連抗賊比
城陷仰天呼曰臣等義不辱並殺瘞死西城司副使拾海守發
州轉戰死東壁刺傷嶺義兵千戶宋知玉迎敵死大嶺總管李
秀先兵敗死斬州雅州司吏劉處岩巷戰死南市宣徽院使帖
木兒河南萬戶察罕相繼戰死南陽臥龍崗下權香山巡檢
張德興以不從叛亦死十二月浮梁知州曹觀當徽寇入城李
義壯逆戰死袁州推官蔡廷秀斬寇入犯被執不屈死鎮江上
萬戶丑厮奉宣讓王令移守安慶前後出師凡二十九捷擊舟
追賊夜中鎗死次年三月昌國州達魯花赤高昌帖木兒海寇
突犯境募兵督戰眾寡不敵慨然嬰城死明兵至杭州徵故官
監郡間元賓嘆曰國危身辱尚有頭戴南冠邪一夕雉頸死
石初集云至正十五年紅巾寇悉銳攻安城州人姚正武應義
旗力戰眾踴躍求自効監州普刺忌其能力過之正武奮起擊
賊城陷姚氏一門三世無存者寇至廬陵鄉人董大賓提議旅
數千眾扼龍泉要衝相持累月竟死于寇有龍泉布
衣章立賢父子婦姑盡室投江死皆吉州儒者云

沈死從容大共之理有生所同

冊曰忠孝節義感其於性天實命之寧關學問草莽三介

續弘簡錄卷三十八終

